



6

20-b

25



*25-*



XXVIII. 10. 17

17

GVIDONIS


VANNINII I. C.

CIVIS LVCENSIS

& Romani,

*C A R M I N V M*

Libri Quattuor.




*L V G D V N I,*

Sumptibus Horatij Cardon.

---


*M. D C X I.*







EXCELLENTISSIMO  
SENATVI LVCENSI



**D**IGNA Thalete senectuti,  
Τὸν κρατῆντα τίμα, *Imperan-*  
*tem honora*, in quâ nostrum  
Principem quouis honore prosequi  
iubemur, nec iniuriâ. Inter innume-  
ros enim fructus quos colenti se  
parit honor, quem nostro secun-  
dum Deum Deo præstamus, meri-  
torum naturæque vi, ille non mini-  
mus est, ut honorantem maximè  
honoret. Hùc mea Musa non minùs  
officiosa quàm ambitiosa; hùc meæ  
Vigiliæ laborésq; contendunt; hîc  
mihi Saltus hîc Rhodus; quod pro-  
fectò fuit in causâ, ut hoc quale-

cunque sit Aranearum penè dixerim opus in lucem proditurum, vobis, quorum in ære viuo, consecrauerim. Iuuit tamen mei Principis, & Patriæ, sparsim me laudes attingere, & illud religiosè ( quod rarum inter huiusmodi opera ) obseruare, ne à Fescennino lepôre auram captarè immortalitatis; Casta placent superis, vobis casta, casta Musis. Agnoscite Excellentissimi Senatores, *presidium ac dulce decus meum*, Vestri Ciuis, & Vatis, non in vtramque aurem dormientis obseruantiam; & maiora optanti quidem, sed non præbenti, vestræ prærogatiua humanitatis ignoscite. Primum mearum Orationum Volumen sub vestris Auspiciis propediem exiturum condo & compono. Interim Patres Clarissimi, studio verè paterno quod offero, perlibenter excipite, ac stadium vestrarum laudum curren-


tem



tem beneuolentiæ vestræ aura pro-  
uehite. Deus vos cumulatissimè  
fortunet. Valete, Luca, Cal. Maij  
C I D I D C X I.

*Addictissimus seruus*

GVIDO VANNINIVS.



HORATIO CARDON,  
 Consulatum Lugdunensem gerenti,  
 Gallias illustrantis rei Typo-  
 graphicæ titulis Viro  
 splendido.

**I** Ngenia quicquid rara longis condere  
 Possunt vigilijs, quicquid expensum diu  
 Sophorum acumen, per tuos CARDON Typos  
 Æternitati consecras, quódque arduum,  
 Adæquat opera haud tuus adæquandus labor;  
 Haud secus Hydaspes quas parit gemmæ nitent,  
 Auro illigatæ, nec secus stella polo  
 Fulgent sereno: viue CARDON inclyte,  
 Victurus vsq<sub>3</sub> post sepulchrum, Posteris.

DE



# DE DEI FESTO LIBERTATI DICATO

## P A N E G Y R I S.

**M**VS A triumphales cur Libertatis honores,  
Qui Lucam super astra ferunt, celebrasse  
moraris?

*Te Patria virtutis Amor, te gloria segnem  
Excitet ardenter, luxit celeberrima fastis,  
Innumerisque dies maiorum clara trophaeis;  
Hac Proavos Atavosque aeterno nomine dignos  
Reddidit aeternos, animos deponere iacentes,  
Et molire novos audaci pectore cantus;  
Solemnes audis meditentur ut omnia pompas?  
Cernis ut ad celebres inuitent omnia ludos?  
Splendida densantur Populorum compita crebris  
Agminibus, fulgent numerosa tapetia late  
Persarum picturato fabricata labore;  
Omnia latitia indulgent, tormenta corusci  
Fulminis in morem tollunt ad Sydera bombos,  
Nocturnique ignes cacas fulgore tenebras  
Expellunt noctis; concurrunt undiq; lata,  
Et libertatis celebrant praemia Gentes;  
Fausa Vir & mulier recinit, sacro ordine pubes  
Atque Sacerdotes Magno pia vota Tonanti  
Soluentes, grates referunt pro munere solam  
Quod vehit Etruscos inter super aethera Lucam;  
Hac nomen memoranda dies Lucense beavit*

Reddidit hæc lucem Luca; fuit obruta longum  
 Luca tenebrosis miseranda Tyrannidis atra  
 Heu nimbis, & sanguineis oppressa procellis.  
 Fudit in immeritam qua non furor hosticus? ensis  
 Est rabies expleta, sitim patientia vicit.  
 Haud secus infontem ieiunis dentibus Agnam  
 Balantem frustra frustra auxiliûmque vocantem  
 Discerpit miserum, manus insatiat a luporum;  
 Vata tamen placida tandem Deus ebibit aure,  
 Innocuamque iugo Caroli sub vindice dextra  
 Exemit, voluitque sua dare libera genti  
 Imperia, & notam fieri per secula Lucam.  
 Orta dies pompas renouat, serièmq; vetustam  
 Seculorum iubet esse hilarem, Lux fausta reduxit  
 Hæc libertatem, Virtutibus undique raris  
 Precinctam, quibus aternum stet libera, donec  
 Circumagat Titan stellis fulgentibus Orbem;  
 Hinc pietas, debellatis, qua monstra Baratrum  
 Euomit, explicuit latè sua signa, nitore  
 Exornata nouo, & claris radiata Trophæis;  
 Infidis seruata fides splendentior, aureum  
 Agmen agens, proprios Titulos famamque beavit.  
 Dum sacrat aternis quæ fecerit inclyta fastis.  
 Quid memorem quantus sacris accesserit Aris  
 Splendor, & Assyrio Maiestas pulchrior ostro?  
 Quam non longa dies nec rerum turbidus ordo  
 Imminuit, sed iure magis defensa Nepotum  
 Certatim studijs ad culmina vexit honores;  
 His opibus subnixâ suum Respublica Nomen  
 Extulit, & Proauos vicit melioribus ausis;  
 Prisca nouis cedant, noua sunt potiora vetustis,  
 Hoc probat egregij Concordia summa Senatus,  
 Et populi admirandus Amor, quo fœdere prauis  
 Quicquid habet vis hostilis, siue agmina Ditis  
 Quicquid habent fraudis conspirantisque veneni  
Luditur

*Luditur, & nullo LIBERTAS luditur hoste.*  
*Collis Auentinus si quondam templa superbo*  
*Huic Libertati sumptu fabricata recepit,*  
*Et dites laudauit opes; Lucensia mores*  
*Pectora Romanos vincunt, sunt corda verendum*  
*Vnicuique suum templum, Matrúmque mamilla*  
*Erudiunt teneros quos pascunt lacte puellos,*  
*Insigni vitam pro libertate pacisci.*  
*Hinc amor in patriam est, hinc ciuis fortiter ausa,*  
*Hinc seris mansura fides per secula Natis:*  
*Hinc miles paruo consuetus viuere, certum*  
*Nescius igniuomis mentiri glandibus ictum,*  
*Inuictus conflatur selecta pube Phalangas;*  
*Sic sibi virtutum stimulos, sic semina laudum*  
*Certatim proles illustribus inclyta factis*  
*Proponit, verósque ardens sectatur honores.*  
*Inuigilat constans Prudentis cura SENATVS,*  
*Quem ratio non ira trahit, qui gaudet amore*  
*In ciues plusquam ferro, quo vindice prisca*  
*Stant leges, surguntq; noua, ceu sydera Calo,*  
*Quas ipsi laudant hostes, & Patria victrix,*  
*Extremas penetrat refluentis Tethyos oras,*  
*Atque Atlanteos transcendit Luca recessus.*  
*Vos ne Patres quorum iusto Respublica nutit*  
*Stat sospes, regiturque beata, ingratus omittam?*  
*Vobis vindicibus scelerum focunda propago,*  
*Et quicquid Baratrum eructat Lucensibus oris,*  
*Deijcitur centum circumuallata Ministris*  
*Dira Venus, qua Circaeis praesentiùs herbis*  
*Efferat humanos sensus, Liuórque Timórque,*  
*Atque importuno petulans Audacia vulnè,*  
*Et luxus grassator opum; Vos mente paterna*  
*Munificaque manu numerosa rependitis ultrà*  
*Turpis egestatis dispendia; uestra patefcunt*

*Horrea pauperibus, numquam pia dextera tardam  
 Sensit opem, nam prauertit medicina dolores,  
 Publicus & census Populo deseruit egeno.  
 His ego pratulerim Fabios? fortésue Metellos?  
 His Scauros vel Fabricios? vel paupere cultu  
 Sarranos? olim Romana lumina Gentis?  
 Haud equidem: nam vestra Fides spectatur ubiq;  
 Et validis Hostes vires mirantur in armis;  
 Illustrat vestros aequè Toga clara Triumphos  
 Atque sagum; seu res composta pace quiescunt;  
 Seu toruus trepido Mauors quatit omnia bello;  
 Vos secura quies Populo, vos maxima rerum  
 Spes; labor inuictus, vos ardua gloria, per vos  
 Ornatur prematuris Industria donis,  
 Egrigiosque ferunt insignia premia mores.  
 Summe Pater, clari magnus dominator Olympi,  
 Cuius ab auspiciis hæc pendent omnia, quiq;  
 Numine pacato Lucensia facta secundas,  
 Annua quos LIBERTATIS fert pompa Triumphos,  
 Æternos fac esse tuis Lucensibus, unde  
 Accrescat tibi maior honos, addictaque Cælo  
 Luceat æternùm Prudenti LVCA SENATV.*



In Sacram Deiparæ Virginis Ima-  
 ginem, quæ Lucæ miraculis  
 admiranda colitur.

**N**on tacitam te Diua sinam, cui totus Olympus  
 Assurgit, gaudetque tuos celebrare Triumphos:  
 Cui mortale genus solemnes dedicat aras,  
 Votorumque reum innumeros largitur honores,  
 Quam colit ante alias obseruantissima cultus  
 Luca tui, nam templa tibi, tibi maxima centum  
 Constituit delubra, quibus flagrantia thura

Thura

Thura coloratis fumant aduecta Sabais.  
 Cetera templa tamen tantum praeclit, in axe  
 Aurea conspici quantum splendentia solis  
 Lumina sideribus; tua quod iustissima fontem  
 Ira hominem parè plectens erexit ad astra,  
 Diues opus gemmis & maiestate verendum,  
 Ira fuit Pietasq; fuit: sauo agmine Ditis  
 Impius ad Stygias raptari iurè cauernas  
 Debuerat, rapidi vel fulminis ignibus vri:  
 Mater es, ò Numen miseris placabile, nescis  
 In Natos sauire tuos; tua Pignora censes  
 Quos furor & rabies in te dira arma mouere  
 Instigant? nec iura volunt seruare Parentis?  
 Quem non te, promptam misereri & plectere segnem,  
 Laudauisse iuuat? quando Stygia ore uomentis  
 Flagitia, & iactis (scelus ò ò miserabile) talis  
 Ladentis sacram effigiem punire furentem  
 Fas dextram tibi Diua fuit, Clementia Matri  
 Usque adeo placet, in Prolem Indulgentia poena est;  
 Si te contemnit, temnentem diligis, ultro  
 Iurgia dira mouet, condonas iurgia, se dat  
 Hostibus illa tuis, reuocas clementer & urges  
 Vt redeat; nocet illa, iuuas; mouet arma, rebelli  
 Auxiliare tamen; fort vulnere, dulcia praebe  
 Oscula, & ingrata clemens tutaris amantem,  
 Tantus amor generis seruandi & gloria nostri;  
 Vidimus effigiem manifesta in luce ferentem  
 Omnibus agrotis mira pietate salutem;  
 Undique concurrunt celeres ad Numen egea  
 Diua tuum, Gentes; diuersis finibus agros  
 Non obiecta maris dispendia, mille viarum  
 Vesanaq; hyemis non mille pericla morantur:  
 Munera mittit Arar ditissima, Sequana mittit  
 Admirandi operis monumentum, diues Iberus

Huc

Huc Tartessiacas felici è pectore gazas  
 Aduerbit, effigiémque sacram venerandus adorat;  
 Non votiua capit magnum donaria templum,  
 Parletibus nitet argentum, sublimis in auro  
 Praefulget tholus, & gemmarum pondere nutat  
 Ara dicata tuis castissima Virgo triumphis;  
 Vidimus infernis diuturno tempore turmis  
 Corpora Christi adum grates referentia, nutu  
 Libera facta tuo, caligantésque tenebras  
 Ex oculis pulsas, quorum longissima vita  
 Nox aterna fuit, mutilatáque membra vigorem  
 Antiquum renouasse suum; votiua loquuntur  
 En monimenta sacris latè pendentia tectis.  
 Te rapidis quassata notis, quassata procellis  
 Cycladas Ægeas inter Syrtésue vadefas  
 Auxilijs deserta suis, decimámque ruinam  
 Passa procellarum, sospes te Numen amicum  
 Concelebrat, Patriámque suam portúmque reuifit;  
 Auspice te vis nulla nocet, furibundus Orion  
 Hesperiaeque Tyrannus aqua Capricornus amica  
 Sidéra sunt Nautis, coniuratiq; vagantes  
 Deposita feritate vehunt per carula classes;  
 Nil Massilææ telluris monstra venenis,  
 Pestifera nil ore nocent, sitis, ardor, arena  
 Agmina serpentum Libycis nutrita sub oris:  
 In la, ignis, tellus, ær famulantur ubique,  
 Agnoscuntq; tuos, tanta est reuerentia nutus;  
 Horribiles tu Bellona dum comprimis iras  
 Hastes ima Populos à stirpe metentes  
 Lucenses tua Gens optata pace fruuntur.  
 Curia quicquid agit recti studiosa secundis  
 Auspicijs confisa tuis molitur, inertes  
 Et procul esse iubet constanti mente timores;  
 Stat contra sublime tuum fortissima in hostes



Arx veluti Templum, sanctus petit unde Senatus  
Præsidia in trepidis numquam fallentia rebus  
Sunt dubia mentes? fulges nitidissima lampas,  
Et tenebras radiata fagas; torpore residunt?  
Injicis ardentes subter præcordia flammæ,  
Quoque placet compellis, agit pia Pectora mitis  
Numinis aura tui, consolaturque iacentes;  
Extollit merita sic libertatis honores  
Prouida Luca suos præceps quæ perflat anhelis  
Eurus equis. & quæ Zephyrus placidissimus aura  
Mulcet amabiliter, nec non bacchatur ab Arcto.  
Percitus unde furor Borca, vel nubilus Auster  
Vnde mouet pluuias tempestatæsq; sonoras.  
Hæc titulis addicta tuis addicta Triumphis,  
Haud procul à pedibus deiecta casside, cuius  
Fortis inaurato surgit Panthera galero,  
Depositoque sclo clypeo, qui pulcher utroque  
Purpurat & candet, fortes exerta lacertos,  
Denudata latius dextrum, tamen Inda fluentes  
Stringit gemma sinus; crines neglecta decoros,  
Purpureos elata oculos & poplite flexo  
Ante tuas Aras hæc lata voce precatur.  
Diuæ parens Virgòq; Parens, Diuumq; Hominumq;  
Et Decus & Numen, placida quæ suscipis aure  
Vota libens effusa tibi; res aspice nostras  
Et Natam tuare tuam; Sanctissimus olim  
Paulinus tibi me charo pro pignore latam  
Constituit, Templumque tibi centumq; dicaui t  
Sacris ille tuis operosi marmoris Aras,  
Prima quibus fluxere mea incrementa salutis  
Præsidys firmata tuis, te vindice sauo  
Subtraxi mea colla iugo, te vindice cara.  
Libertate fruor, Duce te nil demoror hostes.  
Tu mihi me seruas, tu tradis sceptræ, Deumq;  
Concilias,

*Concilias, tu das aeterna pace potiri,  
 Bellorúmque facis libertatisque potentem;  
 Progeniem defende tuam, tua cara perennis  
 Sit tibi Luca, Patres, tua Pectora, numine dextro  
 Diua fove, tu subde animos, tu dirige mentes  
 Quò Pietas Rectúmque vocant; maioribus ipsa  
 Libera sic latè cumulabo altaria donis,  
 Aeternumq; tuos celebrabo lata Triumphos.*



De Cruciatis Christi Domini ha-  
 bitum In Aula maxima Colle-  
 gij Romani.

P O E M A.

*Æ Quora dum lugēt, Tellus dū luget & Æther,  
 Dum viduata suo torpet Natura Magistro,  
 Aeternumq; iubar medio Dux lucis Olympo  
 Obducit, caca nimum sub nube dolorem  
 Testatus, moueat mœstas mea Musa querelas.  
 Vos Romana cohors primis nutriuit ab annis  
 Quam pietas, cladis memoro dum saeva nefanda  
 Supplicia, infontem mecum miserescite Regem,  
 Humentésque genas pleno suffundite riuo.  
 I scidum furcata manus iam lata cruento  
 Praesidis Imperio pondus ferale Tonanti  
 Gestandum dederat scelerati ad culmina montis.  
 Interea Gabriel Regina haud immemor altum  
 Prae se vulnus agens, notam subit impiger Aulam  
 Nuncius, & Dominam veneratus talibus infit.  
 Venit summa dies, nostro ô lux debita Regno,  
 Quam Vates cecinere sacri, cecinere Sibylla,  
 Hanc tibi diuino quondam stimulatus ab æstro  
 Pradixit Simeon, proh quantum crimina possunt,*

Et tunc ille tibi falicis nuncius olim  
 Temporis, extremam tristis denunciat horam;  
 Lata tuli, nunc mœsta fero, precor aspice vultus  
 Dia meos, veròsque hauri iam mente dolores.  
 Senferat Omnipotens Rector superùmque hominūq;  
 Aduenisse diem, duro quo stipite Natus  
 Humani generis pensaret morte salutem:  
 Tunc sic me alloquitur solio sublimis ab alto;  
 Eia age Gethsemanes pernix allabere colles,  
 Colles qui nostri iam flumine sanguinis undant,  
 Progenitūque meam dictis solare iacentem;  
 Ille nihil meruit, proprijs aliena repellit  
 Crimina supplicijs, fateor, non digna ferentem  
 Innocuūque petit vindex mea dextera Natum,  
 Mens immota manet, suo scelus ense secandum est,  
 Quo vasti mundi moles operosa laborat;  
 Nulla salus nocuo Generi, immedicabile vulnus,  
 Ni caput innocuum pereat, mors morte pianda est,  
 Iudicis offensi tonet ira, paterna ferat mens;  
 Iustitiāq; locus detur, sic ille salutem  
 Gentis emat, redimatq; nefas, sit pignus amoris  
 Ipse cruor; summa hæc morituro nuncius ibis.  
 Vix ea fulmineo superùm càm saucia telo  
 Indoluit pubes, Ora indoluere supreme;  
 Necnon Astra suum, sortem indignata parentis,  
 Occuluere iubar, tacitāq; dedere querelas.  
 Ast ego mandatum accelerans, per densa citato  
 Nubila Noctis eo cursu, iam iamq; videbam  
 Bethlemias rapidus Turres Solymāq; superbam.  
 Gethsemani at postquā mihi cognita culmina collis  
 Anxius alato tetigi pede; multa gementem  
 Proiectūque solo sudantēque amne cruoris  
 Aspicio extemplo Dominum; meminisse figura  
 Mens horret, luctūque fugit, vox faucibus hæret;  
Immo

Immo age, Virgo refert, seriémq; expone laborum,  
 Fare quid Isacidum potuerunt aspera corda,  
 Quid rabies innata animis, quæ sæua relictum  
 Mors maneat, nec me per longa exorsa morare;  
 Annuit his Gabriel, querulæque est voce secutus.  
 Dicta reportaram; dictis nihil ille repugnat,  
 Sed cupit indomitam moriendo vincere Mortem,  
 Calestesq; aperire fores & claudere Ditis;  
 Interea ecce tibi latronum dira Caterua  
 Missilibus munita, truci munita securi,  
 Intrepidum mirata Virum, ruit omnis in illum  
 Impatiens, mitémque ligat compagibus arctis:  
 Ac veluti apprensus furiali dente luporum  
 Sæua phalanx agnum, nunc hinc, nunc rictibus illinc  
 Attrahere inter se certant, it rumor ad auras,  
 Secretaq; sonant sylva saltusq; propinqui,  
 Ille hæret, nullóque audet dare corpore motus;  
 Haud aliter facta Dominum cinxere corona  
 Turba ministrorum; pars ferrea vincula collo  
 Inijcit, insontis faciem pars tundere gaudet,  
 Pars laniare comas, omnes illudere capto:  
 Ausugere metu comites, hunc Palladis Arbos,  
 Illum densa tegit quercus, spes omnibus una est  
 Credere se pedibus, viridemq; relinquere collentem  
 Ergo sponte sua vinctum stimulántque trahuntq;  
 Et cogunt odisse moras furialibus hastis;  
 Iamq; Sacerdotis summi solia alta subibat,  
 Cum populi insensî Proceres venientis ad ora  
 Se vertere truces, densat óque agmine magnam  
 Multifonis aulam clamoribus impleuere.  
 Proh quantum cæca mortalia pectora noctis  
 Sæpe tenent, ipso in scelere molimine, Turba  
 Isacidum putat esse pia, atque à crimine sumit  
 Fœcundam laudis segetem famamq; perennem.

Iam

*Iam caput extollens densissima sidereum Nox  
Quadriiugo medi curru pulsabat Olympi  
Stelliferam metam, tacito cum lucida Cali  
Lumina voluuntur lapsu, cum fessa quietem  
Corpora amant, sylvaq; silent, silet arduus aether,  
Terrarumq; marisq; vagum pecus omne quiescit;  
At non Carnificum sitis insatiabilis ullam  
Solvitur in requiem, spernens dare corpora somno  
Ingeminat plagis plagas, atq; ictibus ictus.  
Illius infanda noctis quis vulnera fando  
Explicit? aut possit lacrymis equare dolores?  
Heu crudele nefas, Hominum, pro dira libido,  
Ille Deus Deus ille manu qui temperat astra,  
Tartarei metuunt quem tertia regna profundi,  
Cuius ad imperium sistunt vaga flumina cursum,  
Æquoraq; indomitum ponunt rabiosa furorem.  
Ille Deus Deus ille timent quem sidera, quem Sol,  
Per populos latè notissima fabula vulgo est,  
Scilicet hic superum molitor & arbiter Orbis?  
Ultima sors hominum? Cali tu missus ab ipso  
Regnatore? Dei tu proles? nunc age tandem  
Vaticinare, taces? qui sis tua facta loquuntur,  
Inunc, vane, doma ventorum flabra furentum,  
Siste amnes fluuiosq; truces mirantibus undis;  
Olim qui poteras alijs afferre salutem,  
Nunc proprijs affer plagis periture medelam.  
Talibus illudens capto fremebunda Iuventus,  
Non oblita sui nec caci oblita furoris,  
Exultat victrix, palmaq; animosa superbit,  
Tanta mali nubes miserorum obduxerat ora.  
Sed quid ego hac tantum? series si vasta laborum  
Pragrauat insontem, si mille pericula restant?  
Nocturnas benè picta facies Aurora fugarat,  
Clarus & athereo Titan fulgebat in axe;*


*Pontius infontem cadi iubet, ocyus omnes  
 Pracipitat fera turba moras, miserabile dictu,  
 Ad durum Domini religarunt brachia saxum,  
 Brachia qua totum circumplectuntur Olympum;  
 Tristia sanguineos soluunt in vulnera fascēs,  
 Sortitique locum, & media plus parte lacertos  
 Nudati, incumbunt operi, iactantque flagella;  
 Nulla quies; sacrum laniat seges horrida corpus,  
 Regalis gemit aula truci sub verbere, multa  
 Carnifices simul extollunt vi brachia, Caurus  
 Non tot agit Nimbos, Autumni frigore tacta  
 Non tot sternuntur frondes per opaca locorum,  
 Quot sunt membra Dei virgis quassata cruentis;  
 Nullus abit sine plaga ictus, totidemque videntur  
 Quot plaga, in miserum ruere atq; irrumpere mortēs;  
 Infrendens rabiosa cohors sua lumina pascit  
 Sanguine qui plenis manabat corpore riuis:  
 Iam loca vulneribus deerant, cruor undiq; largus  
 Detectiq; micant nerui, tremulaq; sine vlla  
 Pelle natant vena, spirantia viscera latē  
 Vitalésque toros numerare in pectore posses;  
 Si talem Mater vidisses optima Natum,  
 Tu ne meum pignus? dixisses. Pignoris umbra hac  
 Umbra mei Nati, non Natus, inanis imago est,  
 Carnificum tantum potuit vesana libido.  
 Heu feror è cade ad cadem, post funera funus  
 Tristius aspicio, paliuro intexere dumos  
 Horrentésque parat sentes; petere inde coronam  
 Ut queat innocuo capiti, potis impia tantum  
 Turba Ministrorum? flauentia tempora multo  
 Vepre premit, viden' innumeros ut arundinis ictus  
 Incutit immeritumque canino dente lacescit?  
 Iam color in facie nullus, nigra lumina mæstis  
 Stant immota genis, nihil est in corpore vinum;*

*Ipsa sibi est oneri ceruix, perfusa cruore  
Ora madent, vultus vicina morte labascit;  
Hanc in conspectu populi exposuere figuram  
Nuda humeris, pectusque, sacroque a poplite platas,  
Vix gracilis medium corpus velabat amictus.  
Torpuit aspectu Calum, conterritus aureos  
Obduxit nigra Titan ferrugine vultus:  
Non tamen effigies Domini miserabilis hostem  
Expleuit, magis excrescit vesana cupido  
Sanguinis, & sese summas hortatur in iras;  
E medio, Romane, caput nunc tolle superbum,  
Turba tonat, nostris monstrum citius aufer ab oris,  
Dede neci, vitam cum sanguine poscimus omnes,  
Sin minus, Ausonidum Ducis experire furorem  
Casareasque manus: iste iste est Caesaris hostis.  
Pontius (indignum facinus nullique secundum)  
Pontius, infandis cedit clamoribus, expers  
Consilij, tristiq; insontem destinat ara.  
Vt lethi signum sublimi Prator ab arce  
Extulit, & durum cecinerunt cornua cantum,  
Perfurit armorum sonitus, vexilla per auras  
Ambiguos ducunt flexus, crudele minantur  
Horribiles litus, resonant ululatibus omnia,  
Omnia dant gemitum, mæstum dant omnia luctum.  
Pragrauat in erea Crux formidanda Tonantem,  
Pragrauidam subit ille trabem, nec ferre recusat;  
O Solyma, ô Terra, ô superum domus, arduus ather,  
Funereo sub fasce quater cecidit, quater ore  
Telluri inuoluit moriturus; sauâ Iuuentus  
Carnificum telis fessum iam iamque obeuntem  
Solicitat, cogitque moras odisse: flagello  
Impiger hic ferit exanimem, stricta increpat alter  
Cuspide, vis nulla est, ni pendeat arbore ab alta.  
Sed quid ego hac Virgo tam longa ambage secutus ?  
Rumpe*

Rumpo moras, iter urge, ipso in discrimine Nati  
 Supremum solamen erit tibi cernere prolem.  
 Dixerat, illa gradum celerans, è paupere tecto  
 Exilit, atque premens alto sub corde dolorem,  
 Sedula tendit iter funesti ad culmina montis.  
 Vt sobolem stetit ante suam, sic anxia secum;  
 Secum, (virginis pudor obvallauerat ora.)  
 Hunc ne ego te Nate aspicio? tu Nate parentis  
 Sera quies? qua in te tantum potuere procella?  
 Illa est hac facies in qua Matérque Patérque  
 Cognosci poterant? hic ridet fulgor in ore?  
 Hinc oculi similes Astris & eburnea colla?  
 Hac ne Dei vera effigies? Hac ne illa decora  
 Casaries? hac frons stellarum impexa corona?  
 Hic cervicis honos? hac ora nitentia? nosco  
 Infelix simulacrum, agnosco Pignoris umbram,  
 Non pignus: tantúmne animis mortalibus ausum?  
 O vulgi grauis ira, & inexaturabile pectus,  
 Ebibe nunc toto qui manat corpore sanguis,  
 Nunc exple rabiem, crudelia lumina pasce,  
 Ast tu quò properas misera spes unica vitæ?  
 Quò trahere exul, inops, Materno raptus ab ore?  
 Quò miserum, periturus abis? cheu dolor ingens  
 Carnifici fœcunda fui, fœcunda furori.  
 Sic ait exanimis, iamque illam plura volentem,  
 Vox sua destituit: Natus pauca inde secutus,  
 Desine me Mulier mæstis urgere querelis,  
 Desine, nil prosunt questus, mors morte pianda est.  
 Dum iubet ira Patris, tu sano assuesce dolori,  
 Iamq; vale, rapior Virgo, vale optima Mater,  
 Dixit, & horrendum collem moriturus adiuit.

Preca





## Precatio ad Deum.

*S*umme Pater, Pater omnipotens, qui cœcutis Orbē  
 Lucentesq; globos, nutū mihi dexter adesto,  
 Si quæ operis tibi cura mei, melioribus orsis,  
 Et quæ mens aperit melior, cape vota precēsq;  
 Nobile propositum; sed idem quod mentibus ipse  
 Inferus, haud tanti mihi vena boni, aspice quantū  
 Iactetur mea vita malis; hinc prava voluptas  
 In mea damna ruit, ruit hinc insania mentis  
 Circeas superans artes, succōque nefando  
 Pocula dira parat diris infecta venenis,  
 Delicijs animum nunc torquet, nunc bibere Hebrū  
 Et Tartessiacas undas stolidissima quarit,  
 Occultans pulcra nocuas sub imagine fraudes;  
 O quoties oblita sui, se tollit in altum,  
 Ac veluti Niobe miseram quam copia fecit,  
 Respicit humanos cursus, tentātque per oras  
 Dirigere aëreas gressum ambitiosa citatum;  
 Tum felix sibi visa, suas latè explicat alas,  
 Alas exiguo ruituras impete venti;  
 Tum sibi nobilibus fingit subnixæ columnis  
 Atria, regalesq; domos, tum sceptræ sacrūmque  
 Iactabunda gerit diadema, exultat egena  
 Attalici opibus, calcātque miserrima magnos  
 Terrarum anfractus, totum & quem deperit orbē;  
 Non aliter falsa deceptus imagine somni  
 Tractat avarus opes animo, fictisque dolosum  
 Pascit imaginibus visum, furit ardor habendi,  
 Vixque sibi credens iterumq; iterūmque retractat  
 Anxius auratam messem, cupidisq; tueri  
 Luminibus gaudet, congesto pauper in auro;  
 Mille dolos magicāsque artes gestūsque nocendi.

Mille




*Mille vias reperit fallendi, mille figuras:  
 Non per tot flexus labyrinthæsq; viarum  
 Ambages Phrygius currit Meander in aquor,  
 Dum famulas exercet aquas, & circinat undas;  
 Sape quoq; inuisis apponit pocula labris,  
 Pocula Tartareos longè spirantia sensus;  
 Non portentificis circumuallata colubris  
 Lernei monstri in damnum crescentia colla  
 Tot steterunt subitas latè minitantiæ mortes,  
 Non tot agit nimbos hyemis mundi; Tyrannus  
 Coniuratorum fratrum comitante caterua,  
 Cum ruit & pluuijs creber crebèrque procellis  
 Africus; baud facies tot sæua venefica fingit,  
 Carmina polluto nec tot fera subcinit ore,  
 Quæis niueos Luna valeat confundere vultus,  
 Æternosque oculos Cali fœdare; Charybdis  
 Tot Nautis formidandos non pandit hiatus,  
 In formas quot se vertit. specièsque figuræque  
 Horribiles, vitium nimium reparabile mutat  
 In damnum mortèsque meas; ah dulce venenum  
 Dulcis amarities; equidem si carmen in unum  
 Pectoris insomnes contendam cogere curas,  
 Quas fouet ingeniosa malo mens, promptius omnes  
 Quos parit Autumnus foetus, seu purpureum ver  
 Quas largitur opes complectar carmine; nusquam  
 Hac intempesta noctis liquidam esse quietem  
 Permittit, miris taciturna silentia laruis  
 Infestans, nullas epulas lusúsque iocósque  
 Sinceros sinit esse, atro linit omnia felle,  
 Et dubius quocumq; feror, timor instat & urget;  
 Tartareas Orci diuulso cardine fauces  
 Aspicio, terrent vultus fera monstra Barathri,  
 Poenarum ante oculos errant mihi mille figura,  
 Mille exempla, suum ruiturum Sisyphus urget  
 Ponderus, nunc verum Titium sua viscera turba  
 Alitum*

*Alituum in proprias semper crescentia pœnas  
Præbentem aspicio, maiorem Ixiona cerno  
Torquentem celeri fugientia membra rotatu;  
Tisiphonem video tenebrosa noctis Alumnam  
Casariam circum cuius cristata pererrant  
Agmina serpentum, nectuntur brachia nodis  
Vipereis, manibus gestat vesana colubros,  
Queis sese stimulat, rabidas violentior iras  
Cum mouet; in Libyca veluti Leo Pœnus arena  
Vndiq; vallatus latè ramalibus hastis  
Excussa ceruice fero se verberare cauda  
Vexat & armatos audax irrumpit in hostes;  
In me terrificus sequitur furor, ora recludit  
Haud fictus Barathri custos, & bellua Lerna  
Centimanusq; Gyges, ac flammis cincta Chimæra,  
In me dira fremit, prædam graueolentis Auerni,  
Faucibus expectant siccis furialia monstra,  
Ante oculos varijs impexum colla cerastris,  
Frendentemq; ira, seq; in sua membra plicantem,  
Spumantemque Ducem Stygium, sauasq; cientem  
Voces, aspicio; quot se quot vertit in ora?  
Ora suis semper tetræ imbuta venenis?  
Summe Pater surda nostras nisi despicias aure  
Contemnîsque preces humili quas fundimus ore,  
Fulmine deposito propius res aspice nostras;  
Crimina deme mihi, pura q; illabere menti,  
Diuinumq; meis infer penetralibus ignem;  
Nil moror, in proprias victor dominare medullas:  
Sic quicquid vitij est, tenues vaneſcat in auras;  
Innocua penitus placeat seruare Iuuenta  
Perpetuum desiderium, mea pectora firma  
Ingentesq; animos, humilem ne sperne precantem;  
Quis modus heu fesso dabitur Rex magne laborum?  
Quam metam imponis? famulusne tenebitur vsq;*

*In vinclis animus? tetróque obnoxius Orco  
 Legibus infandi capitis parebit inultus?  
 Non tua progenies? Cœlo non missus ab alto?  
 Debita cui supêrum nullos ruitura per annes  
 Atria, Calicolûm seruit cui sacra Propage,  
 Exhorret Stygij graueolentia regna profundi?  
 Quis modus ô superû atq; hominû Rex? saua Tyrâni  
 Humanam in sobolem semper violentia gliscet,  
 Et victrix latè bacchabitur? efferus hostis  
 Cernis ut insultet præda, volitêrque superbus  
 Et tibi se anteferat? sibi laudes arroget vnus  
 Magne tuas? cur tanta potest? non ampliùs illum  
 Clausa tenent nigri pallentia mœnia Ditis,  
 Iactat opes victor, victor furit æquore aperto,  
 Atq; superbifica victricia signa per auras  
 Extollit dextrâ, spoliisq; indutus opimis  
 Emicat, & famulo fors nectit vincula calo:  
 Prò quales rabidis voces vlulatibus edit,  
 Probrâque captiuam miserè stimulantia mentem,  
 I nunc liber, ait, Regno qui ducis ab alto  
 Et genus & nomen, fastus extolle, beates  
 Iacta animos, Calique redux nunc arce potire;  
 Nunc frueri alloquio superûm, nunc solue Tonanti  
 Vota reus, nunc ponz iugum, téque exue vinclis.  
 Heu quid agam sauis tot tempestatibus actus?  
 Horrificos quî tot valeam depellere solus  
 Assultus, rumpâmne audax moriturus in hostes?  
 En quacunque feror, leti mihi millo pericla,  
 Mille neces instant, quamam ratione tuebor  
 Ah nimîum fragilem vitam? quo principe bellum  
 Hostibus indicam? tu tu mihi suffice robur  
 O Pater, ab redeant animo mea gaudia, redde  
 Redde bonum mihi te, tecum si corruet ather  
 Intrepidum meritò geminus mirabitur orbis.*

*Vulnera post, clypeum sumo, da vela secundus,  
 Te presente faces extinguet saeva Megara,  
 Te presente iras ponet furialis Erynnis;  
 Da Pater omnipotens hosti me illudere capto,  
 Qui semper vectare nouas in Tartara pradas,  
 Pradas prima suo ducentes semina Cælo,  
 Nititur, ah totum facilis da vincere Auernum.  
 Sic tot dimensus Stygij discrimina Ditis,  
 Fallaceq; vias, moribundos spiritus artus  
 Dum reget hic melior, semper mea plectra lyraq;  
 Et regnum nomenq; tuum, laudésque loquentur.*



In Diem festum Assumptionis  
 Deiparæ Virginis.

**T** Errosea Titan lustrarat lampade terras,  
 Terq; soror niueos mōstrarat Cynthia vultus,  
 Vitali postquam Virgo discesserat aura.  
 Cūm Pater omnipotens nutu qui temperat unus  
 Solis vtramque domum, Ditis cui regia seruit,  
 Diuinas Maria exequias, corpúsque sepulchro  
 Inclusum non oblitus, iubet ordine ab omni  
 Delectum acciri Michaëlem; protinus ille  
 Iussus adest, pendetque sui Genitoris ab ore:  
 Quem sic affatus summi moderator Olympi est,  
 Tempus adest nostram quo nos debemus in Aulam  
 Excipere humani generis Dominámque, Ducémque:  
 Illius ah nobis varijs exercita curis,  
 Vulneribúsq; probata, satis constantia fulsit,  
 Digna polo Virgo, digna est cui regia nostra  
 Pareat; & meritò superúm Regina vocetur;  
 Humanam potuit si fœmina perdere gentem

*Vnica fœmineum reparauit fœmina lapsum;  
 Hac est illa dies centum qua clara Trophæis  
 Ingrediatur ouans Regnum multo antè paratum;  
 Gethsemanes inter colles inclusa sepulcro est  
 Quæ vestris vestata humeris potietur Olympo;  
 I fœlix nostri Michael pars inclyta Regni,  
 Innumerósque pio socios adiunge labori,  
 Hic nobis animus, nostra est hac certa voluntas.  
 Dixerat. ille celer monitis parere Tonantis  
 Ritè parans, galeam fulgenti ex ære rigentem  
 Depōnit, patiturq; vagos per colla capillos  
 Luxuriare, graui clypeo, gladioque superba  
 Arte laborato, candentes subtrahit artus;  
 Quin hastam, rabido pondus lacrymabile Diti,  
 Quæ coniuratam turbam detrusit ad Orcum,  
 Abijcit, & lauo lateri suspendit eburnum  
 Plectrum, quo possit Regina dicere laudes;  
 Tum pro lorica chlamydem vestitus, inermes  
 Pennigeris humeros velox accommodat alis.  
 Nec minùs interea Pubes distincta noueno  
 Ordine Calicòlum, Ducis admirata futurum  
 Officium, varias subitò se accingit ad artes;  
 Hic gerit auxatum plectrum, gerit alter amicam  
 Carminibus latus citharam, pars altera dulcem  
 Sollicitare chelym gaudet, pars ære canoras  
 Lata tubas gestat, solùm mens omnibus una est  
 Pracipitare moras, nitidósq; ostendere fastus.  
 Nec requies; rapido Michael volat ecior Euro,  
 Præ sociis latè fulgens ceu Phœbus in axe;  
 Haud aliter sub vere nouo, dum prata virescunt,  
 Dum viget omnis ager, flores dum terra ministrat,  
 Melliferarum examen apum per dulcia rura  
 Omnigenas carpit gemmas, syluasq; peragrat;  
 Agminis it Princeps maculis splendentibus ardens,*

*Et celeres gestit cursu prauertere Coros.  
Ventum erat ad Solymam; laua cùm Reſtor Olympi  
Intonuuit, ſignum Mariam liquiſſe ſepulchrum:  
Cethſemaneſq; ſuper colles nitidiſſima viſa eſt  
Stella nouam duxiſſe facem, quando ecce repente  
Ecce tibi antè oculos radiantis ſolis ad inſtar  
Se confeſſa Deam luxit caſtiſſima Virgo;  
Procubuerè genu ſuperi, dein ordine longo  
Victricem Mariam facta cinxere corona.  
Illa velut Phoenix, veterem qui morte ſenectam  
Praterit oſq; annos poſuit, nitet vnicus ales,  
Exuijs clarus, mutato clarus & auro,  
Æthera findebat ſedes aditura ſupernas.  
Vix iter inceptum eſt. Michael cùm nobile plectrum  
Sollicitans, Maria reſonantia carmina laudes  
Incepit, laudes ſuperùm alternante corena;  
Quo cantante, Noti flatuſ tenuère ſuperbos,  
Aër ſubriſit, ponti ſiluère procella,  
Omniparènsq; nouo fulſit Natura colore;  
Tolle caput mortale genus, dignoſq; Triumphos  
Finge tibi, tanta ſectans veſtigia Matris:  
Hac tibi certa Parens, ſpes eſt tibi certa ſalutis;  
Impia ſydereum ſi fœmina clauſit Olympum,  
Hac tibi ſyderei reſerauit limen Olympi:  
Illa tulit mortem, certam tulit altera vitam:  
Norma Pudicitia, Terrarum gloria, ſalue;  
Ipſe Deus, Deus ipſe, tibi ſe iungere ſacro  
Fœdere dignatus, caſtam te legit Amantem,  
Et quam non poterat ſpatioſi Regia Cali,  
Lucenteſq; globi, longo circumdare tractu,  
Tu ſolam Auguſtam fouiſti pectore prolem,  
Virginitas tantùm potuit candorq; niualis;  
Tota tibi tellus, totus tibi plaudat & æther:  
Nam multùm Tellus, multùm tibi debet & æther;*

Dent montes hilarem, letam dent flumina vocem,  
 Omnigenumq; genus volucrum, mutaq; natantes,  
 Et quicquid vasto Terrarum clauditur orbe,  
 Te Dominam agnoscat, Dominam te iure salutet.  
 Talia dum Michael, Cælo properanter ab alto  
 Ecce novus superum cætus, præconia laudum  
 Qui repetens magni Michaelis, nobile nomen  
 Omnia reddebant Maria, Mariam, æthra, solumq;  
 Sydera Victricem Mariam Cælumq; canebant,  
 Illa inter cantus superas euasit ad Arces.




Epicedion in obitum Ioannis Baptistæ  
 Cardinalis Castrucci.

**Q**uis gemitus lacrymæ sue neget? Castruccius He-  
 Grande decus Latij, Lucensis gloria gētis, (ros  
 En iacet exigua tumuli complexus ab Vrna,  
 Quisquis adest pleno suffundat lumina riuo,  
 Maxima Lux Luca fletur, date pabula flammis,  
 Eois qua diues Arabs largitur ab oris:  
 Spargite luciferam, signum ferale, Cupressum,  
 Anxifereq; modos querulo depromite cantu;  
 Sint procul hinc plausus, lati procul este lepores,  
 Hinc risus, choreaq; procul, sonet undiq; luctus,  
 Mæror ubiq; sonet, tristis sonet horror ubiq;  
 Occidit, heu! Patria notissima gloria nostra,  
 Occidit, atq; vnà visa est cecidisse virentem  
 Spes induta togam, tacita dum mente reuoluit  
 Luca Parens vita seriem, quæ Nestoris annis  
 Digna fuit, memor amissi, contemnit & odit  
 Indignata sui solamina certa doloris.  
 Nam dum prima tua meminit primordia vita,

Tempore



Tempore, quo caris Pallas te excepit in vlnis:  
 Perpetuas abit in lacrymas, renouatq; querelas;  
 Tum pudor & probitas teneros diffusa per artus  
 Fulsit, & ingenium venuri signa decòris  
 Certa dedit; quin ipsa sagax prudentia paruo  
 Infanti tibi subrisit, vultumq; modestum  
 Admirata tuum, laudataq; lumina Cælo,  
 Eximios inter meritum te legit Alumnos.  
 Inde alacer sacras arxisti discere leges,  
 Aspernansq; iocos, ardentem pectore toto  
 Virtutem semper velut indefessus amasti,  
 Iamq; licet iuueni iuuenili tempore, cana  
 Mente tamẽ, primùm patuit tibi PERETTINA,  
 Aula tibi raros mox largitura triumphos;  
 Hinc tua nota fuit virtus, multisq; probata  
 Ictibus ambigua sortis benè cognita fulsit:  
 Haud aliter quàm cùm rutilum nitet ignibus aurũ.  
 Conspicuum Vaticani vix luxit ab ALTO  
 MONTE Iubar, Sixti fausto sub sydere quando  
 Ad Cælum Rosa purpureos Castruccia vultus  
 Extulit, & subitò claros expandit honores.  
 Quid memorem quinis qua bis labentibus annis  
 Egisti, sacros dum splendentissima crines  
 Insula velauit? lacryma mea carmina vincunt:  
 Ipse dolor negat effari, nil flumine tanto  
 Mens dignum reperit, Terrà quæ continet cròis  
 Innumeri latè populi, gentesq; leuantur:  
 Ast alias vrbes inter lacrymare sepulcrum  
 Heroem, tu Luca, tuis nec parce capillis;  
 En obijt subitis tua lux oppressa tenebris.  
 Quis tibi tutamen posthac? super athera quis te  
 Efferet? heu frustra potes hic urgere sepulcrum  
 Perpetuis lacrymis, Cælumq; onerare querelis.  
 Nam Rosa quæ cecidit Ver abstulit omnibus vna.




In aduentum Francisci Sfortiæ  
Cardinalis, Lucam.

**Q**ui plausus vocesq; sonant, cantusq; per urbem?  
 Lucensis quò spontè ruit generosa Iuuentus,  
 Sepositas induta togas, induta superba  
 Arte laboratas chlamydes? hinnitus equorum;  
 Clangentesq; tuba, tormentorúmq; boatus  
 Armorúmq; grauis sonitus nitidaq; quadriga,  
 Quò spectant? num forsán amor me ludit? an Hospes  
 Sfortia adest Luca? falso non ludor amore:  
 Nam Franciscus adest, Romana gloria Gentis;  
 Sumite Lucenses fœlicia plectra Poëta;  
 Musarúmq; sacro venienti plaudite Alumno:  
 Namque is siue velit per campos ire patentes  
 Eloquij, magni æquiparat vestigia Tulli,  
 Seu velit Aonios fœlix haurire liquores;  
 Et vinctis canere arma modis: velut alter Homerus  
 Virgiliusq; tonat: citharam si sumpserit auream,  
 Illum facundam citharam sumpsisse decebit,  
 Non Thetidis proli cedit si torserit hastam,  
 Fulmen erit belli validum si strinxerit ensen;  
 Consilio quantum valeas, rebusq; gerendis,  
 O Patria spes una tue, generosaq; Proles,  
 Martia Roma canit, qua te viuentem Camillos  
 Et veteres Fabios insurrexisse fatetur,  
 Nestora quin vincis, summi dum iussa capeffens  
 Pontificis, Regúmq; animos & pectora tractas;  
 Quæ regio tellúsve Italis præcul eminet oris  
 Quæ tua non norit fatalis robora dextra?  
 Vix etenim nonum compleras impiger annum,

Cum

*Cum calamos torquere leues, arcuque sonanti  
 Imbelles onerare humeros, & promere dira  
 Spicula, praesentes iam tum testantia vires,  
 Suasit amor, creuere animi crescentibus annis,  
 Paulatimque graui galea, gladioque decoro  
 Loricaque ausus tenerum circumdare corpus,  
 Bellatoris equi spumantia colla premebas,  
 Magnanimos imitatus Anos, imitatus auorum  
 Fortia facta, tuo patrium qui robore posses  
 Conseruare decus, magnosque augere Triumphos,  
 Quarebas, alto praestans te sanguine dignum.  
 Pro quoties cernens Patruus te ludere in Aula,  
 Non buxo, placidaue aura gaudente flabello,  
 Sed fictis certantem armis, & cursibus acrem,  
 Conantem celeres longè prauertere ventos,  
 Quadrupedemque videns arcto compescere frano,  
 Plurima iure sibi praesentia gaudia finxit,  
 Ingeniumque nouum primis laudauit ab annis;  
 Hinc generosus Amor nitet, hinc constantia in imo  
 Pectore fixa tuo sequitur te semper euntem,  
 Tollentemque animos & maxima quaque mouentem.  
 Cadibus in mediis quantum tua dextera possit  
 Belgica terra probat, propriis experta ruinis;  
 Nam tu, seu sit opus lunato incedere cernu,  
 Seu paribus latum decurrere frontibus agmen,  
 Seu certam vitare necem, vel tempore capto  
 Pracipitare moras propiusque laceessere Martem,  
 Ars tibi non desit dubijque peritia belli.  
 Nunc meritò tibi Luca inhiat, te spectat, & uni  
 Grata tibi plaudens, hac lata voce profatur;  
 Lux Luca Francisce, mihi clarissima, salue,  
 Sospite quo credam Romanam viuere gentem,  
 Antiquumque decus generis florere Latini,  
 Tu iuuenis progressus Anos, noua sacula priscis*

*Informare paras, talem te cernere semper  
 Fronte cupit tua Luca; cupit sic tempora nasci;  
 Nam tu Cuius ades Ciues clarissimus inter  
 Nos hospes, nostros igitur dignare Penates.  
 Aspicias ut faueant Urbis tibi lumina Patres?  
 Certatimq; tuas tollant super aethera laudes?  
 Hos similesq; canit, Princeps fortissime, honores  
 Luca tibi, procuresq; omnes, prudensq; senatus,  
 Et mea Musa humiles inter numeranda Camœnas.*




In restorationem studiorum ad Lucensem iuventutem, Carmen.

**H***Astenus aestiuis vallata Canicula flammis,  
 Diraq; vesani fremuerunt terga Leonis,  
 Hinc posita placidum rabie mansuescere Cœlum  
 Incipit, & veteres ostentat Pallas honores,  
 Pallas honor superum, studiorum gloria Pallas,  
 Antiquos renouate animos sensûsq; calentes  
 O Musis dilecta cohors, labor omnia vincit;  
 Inuia nulla via est conanti ascendere collem  
 Arduum, & abruptum collem, sed amantibus aquû.  
 Candida si geminum subduxit Cynthia cornu,  
 Bisq; resurrexit nitido spectanda capillo,  
 Cecropia postquam, Iuuenes, dulcissima diua  
 Otia liquistis, tamen est id temporis aptum  
 Musarum studijs, placuerunt otia ruris.  
 Rura fatiscentes reparant in corpore vires,  
 Languente q; animant sensus, hic rure paterno  
 Igniuoma passim prostrauit glande volucres,  
 Et pavidos lepores, pronosq; in cornua ceruos;  
 Ille canum longo circumdatus agmine, celsa*

*Culmina*

*Culmina sylvarum portentosaſq; latebras  
Callidus explorans, multo clamore fugaces,  
Damáſque, agreſtéseſque ſues in retia trufit.  
Aſt alius quem cura domus & dulcis agrorum  
Sollicitauit amor, robuſti quaque coloni  
Ipſe minifteria, & fundum ſcrutatus ubique eſt;  
Num cultum patiatur humus, num vinea doctam  
Luxurioſa comis falcem ſibi poſcat, ubi alta  
Ducantur foffæ, vitis ſeu multa maritet  
Frondoſas vlmos, ſeu vites erigat vlmus.  
Nunc alios tempus rerum ſibi poſtulat uſus,  
Et varias artes; veteres ſarcire ruinas  
Mens agitet; nunc ò totis contendite neruis  
Segnitiémq; procul, procul hinc expellite, & Hoſtis  
Sit torpor, lentóque nocens molimine Morpheus;  
Nobile propoſitum dignum quod proſperet ultrò  
Ipſe Deus, reddátque animos, & cœpta ſecundet;  
Si priſcum languet robur, ſi feruidus arder  
Ingenij viresq; iacent, contundite peſtem,  
Crescentem peſtem veſtro detrudite regno;  
Ab pudeat ſegni, pudeat torpere veterno  
Deſidiáq; diu, quâ ſitis origine nati  
Eſte, precor, memores, non hoc ſibi poſtulat altus  
Sanguis Auum, priſcáq; domus clariffima veſtra  
Stemmata, nec tales vobis expoſcit honores  
Patria Muſarum ſtudijs Martisq; ſuperbas  
Obrepiſt tacito morbis confeſta ſituq;  
Cana ſeneſcã pede, & curas nihil allevat agras  
Pœnituiſſe, rapax poſtquam pernicipibus alis,  
Et patiens operum iuuenilis labitur atas;  
Robora nunc cœptis reſpondent, cœpta ſecundis  
Viribus, & minimis mens eſt obnoxia curis.  
Per liquidum mitis Pelagi curſuſq; vocantes  
Nunc flectenda via eſt velis, nunc aſtia dextro*

Sunt subeunda noto, vobis dum militat ather,  
 Atque serenati ridet pellacia ponti;  
 Hac iter arreptum est vobis, pars maxima quorum  
 Lata petit doctas Alpha a ab origine Pisas.  
 Excipit ast alium longè pulcherrima visu  
 FELGINA Palladijs opibus luxuq, triumphans.  
 Immemor ab nunc te tacitam quò Roma relinquam,  
 Nostrum delictum, studiorum prodiga Mater?  
 Vrbs celebranda mihi, faueat modò dexter Apollo,  
 Intempestiuam Clotho nec nuntiet horam.  
 Hoc Patria vos fert decus, vos fert labores,  
 Hoc decus illa cupit, tales cupit illa labores;  
 O fortunati quos Pallas ad athera tollit,  
 Tollit & ostentat, sublimi è vertice numquam  
 Qua rapiat seu liuor edax, seu longa vetustas,  
 Præmia, vos animos reuocate, & vincite quaque  
 Ardua, nusquam abero; nam vos duxisse monendo,  
 Monstrandoque viam facili ratione tenendam,  
 Aonas ad montes conabor, & impiger altis  
 Ipse meis humeris duro vos fasce leuabo.



Ad Amicum senilem ætatem laudantem.

CÆsareis mentum abrais, doctissime rerum,  
 Fortè fidem signis si præstas, barba Catones  
 Non Fabios Anitiue reos facit, kellebori quos  
 Nulla medela iuuaret, si felix caput illud  
 Cuius canities pectus diuerberat: ô ter  
 Et quater ô Theseu fortunatissime docto  
 Tonfori malas numquam committere, Apollo,  
 Pace tua, nihil arcani, dalcis, nihil artis

Nil

Nil cerebri tibi fibra sapit, dictata puellus  
 Nullus erit tua qui excipiat: ridebere, quidnis?  
 E mento non nix pendet, tibi præstat in horam  
 Vrbe Ligur mendicata qui pascitur esca,  
 Scripta sui Vatis canum redolere capillum  
 Est opus; en scombros metuis benè culte Tibulle:  
 Te quoque Longoli, te maxime Pice silebo,  
 Ingenij cui non atas, dedit unicus ætus,  
 Vt iuuenis, rari nomen Phanicis adeptus.  
 Ast olei atque opera facta est iactura, superba  
 Nam barbatorum solùm sunt digna cupresso:  
 Quis cedrum speret nisi longum accesserit auum?  
 Roscius hanc legem non premu'garet, acerbi  
 Non assensa foret Fabij mens cornea; rugis  
 In vultu non Fallas inest; nec barba latentes  
 Ingenij præmonstrat opes, vix Publius ille,  
 Ille suas cui submisit vasta Africa terras,  
 Quartum complerat lustrum Pæno arma mouente,  
 Vndique & extremo populo impendente Quiritum  
 Exitio, fidens animis validaque iuuenta  
 Non capitis niuibus bellum suscepit & idem  
 Consecit victor, talem te Magne relinquo,  
 Ætas cur igitur noceat iam quina gerenti  
 Lustra? mihi sit barba Iouis, quid deinde? nuces en  
 Iampridem liqui, per campos isse patentes  
 Eloquij iuuat, Grecorum iuuat amœnos  
 Me fontes hausisse, ego qua ratione genus quit  
 Et genus & species dici, intereuntibus & qui  
 Exurgant alia rebus, nascantur & unde  
 Fulgura, telluris motus, tristésque comæta,  
 Latior an tellus Neptuni an latior alueus,  
 Assiduus didici; ingenium dextrumve sinistrum  
 Aspires mihi non notum, labor omnia vincet.  
 Hac mea mens, tu purgatam eni maximus usus  
Reddidit

*Reddidit auriculam rerum studiumq; perenne,  
Ne rigido nostram vultu contemne Carcœnam.*



### Laurea.

**E**N tandem nitet illa dies, Parnassia pubes,  
Illa dies nostris longè gratissima votis,  
Pulchrior en lucet magnum visura Triumphum;  
Sumite Dadaleas socij, iam sumite pennas:  
Nam nostro texenda nouo noua laurea Regi;  
Qua mora? Parnassi celeres petite ardua montis  
Culmina, purpureis circum lucentia gemmis.  
His non saua nocet rabidi violentia Cauri,  
Non nocet assiduis pluuijs metuendus Orion,  
Et nocuo nusquam grando diuerberat ictu,  
Sed florent Zephyri latè spirantibus auris,  
Aligeros illuc vestros intendite cursus:  
Nam nostro texenda nouo noua laurea Regi;  
Daphnidos hic arbor Vatum spes unica crine  
Æterno spectanda viret, quam maxima Pallas  
Sæpe suis manibus largo rigat imbre, Deaq;  
Castalides illa cingunt sua tempora fronde,  
Illius ô socij beneolentes carpite ramos:  
Nam nostro texenda nouo noua laurea Regi.  
Nunc montes lustrate, vagi, lustrate recessus,  
Querite secretos colles, lucosq; virentes;  
Querite prata comis semper viridantia pictis,  
Nil pedibus, duro nil in tulgente labori,  
Si dicendus Amor labor est, dux imperat ipse,  
Nectite prima uos fœlici è semine flores,  
Narcissum viridi primum coniungite lauro,  
Lauro narcissus, narcisso laurus honori est,


Fœlix



*Fælix Narcissus nisi se nouisset in undis,  
 Et se fœlicem, fortunatumq; putasset:  
 Sed nimium sibi plaussit amans, & credidit unda.  
 Purpureus flos est, lauro connectite florem:  
 Nam nostro texenda nouo noua laurea Regi.  
 Ite per Aonios hortos, pulchroq; Amarantho,  
 Qui lauro est non paruus honos, ornate coronam.  
 Non illum longaui dies, non cana vetustas,  
 Non pluuia carpunt, nec turgida flamina Cauri,  
 Horriferas spernens hyemes ad sydera tollit  
 Immortale caput; solus diuinus habetur,  
 Hunc legite, & Phœbi viridanti annectite ramo:  
 Nam nostro texenda nouo noua laurea Regi.  
 Precipitate moras, Hyacinthum quarite, casus  
 Qui memor antiqui nigra ferrugine vultus  
 Tingit, & ad Cœlum vix audet tollere frontem,  
 Feruidus huic nocuit iuuenili in pectore sensus,  
 Ingeniumq; sagax, audaci robore fidens,  
 Latona voluit forti cum Pignore, disco  
 Exercere suas vires, validamq; iuuentam,  
 Perdidit ast illum confidentissima virtus:  
 Hunc quoq; Phœbigeno florem subnectite ramo:  
 Nam nostro texenda nouo noua laurea Regi.  
 Has inter prati gemmas numeretur Amoris  
 Plena Rosa, hac sacris longè est gratissima Musis,  
 Hac multis medicina malis, hac seruat odorem,  
 Dum perit extemplo boreali saucia nimbo:  
 Erubuit namq; alba prius, dum perfida nouit  
 Se Domina pupugisse pedem, crimenq; pudore  
 Soluit, ut aeternum scelus exitiale pateret.  
 Hoc igitur Pæsti sydus connectite sertis:  
 Nam nostro texenda nouo noua laurea Regi.  
 Halantem casiam, formosaq; lilia texto  
 Punicebsq; crocos, violasq; adiungite, quotq;*

Vere

*Vere parit, flores tellus, tot neſcite lauro;  
 Parcite, nam noſtro texta eſt noua laurea Regi.*



Altera Ranarum & Murium pugna, quæ à  
 primo Homeri die confecta eſt, dum  
 Cancri Ramis, Glires Muribus  
 opem tulerunt.

**V***ix ſuper Oceanum vineis inueſta quæd' igit,  
 Aurea iam ſcintillabat Tiſthonia Coniux.  
 Atq; Oratores Ranarum ex parte ſequeſtre  
 Poſcentes aderant tempus, quo corpora terra  
 Viſta darent; & erant non ut de more, reuinſti  
 Tempora Palladia vitta, ſed ceſſpite beta.  
 Talibus excepiſt dictis Troxartæ precantes:  
 Corporibus viſta abſumptis hæc orta cremandis  
 Clara dies dabitur, quis inania funera contra  
 ſauiat? aut tandem velit intumulata iacere?  
 Aſt ubi purpureo lux craſtina fulſerit ortu  
 Arma parate, armis lis eſt dirimenda, quieſcam  
 Nuſquam etenim, donec placabo ſanguine veſtro  
 Inſontes Nati manes, animoq; petenti  
 Summas exequias, hæc iuſta piacula ſoluam;  
 Nunc ite & miſeros ſocios mandate ſepulcro.  
 Sic unam pepigere diem; ſua funera Mures,  
 Innumerus ſtructis annoſo è robore tadis,  
 Comburant, tremulis collucent ignibus agri,  
 Mœſtus ubiq; ſonat luctus, matrúmque querela;  
 Lichomile ante alias luget Pſicharpaga Natum;  
 Quem fallax medis Phisignattus merſerat undis;  
 Tu quoq; Lichenor non indeſletus abiſti;*

*Gloria*

Gloria rara domus, & spes extrema parentum.  
 Nec minùs interea sociorum in funera tristes  
 Ranae Cancrorumq; ferum genus ire per agros,  
 Lignariq; piget circum, mens omnibus una est,  
 Ingentes fabricare piras, casosq; cremare;  
 Pars graciles stipulas, pars arida gramina verrunt,  
 Feruet opus, castrisque inuectant undiq; ligna,  
 Quois super imponunt crasso madefacta cruore  
 Corpora, fit gemitus, Mater Poliphona peremptum  
 Ægra gemens, totam replet clamoribus Æthram,  
 Incusatque dolos Phisignatti, Barbarocætes  
 Crambrofagusq; iacent vesanis pabula flammis.  
 Talibus officijs septem consumpserat horas  
 Agmen utrunq; & iam medi<sup>o</sup> fulgebat in axe  
 Phœbus, cùm reputans transacta praelia lucis,  
 Concilium Troxar<sup>um</sup> a vocat, venère vocati  
 Magnanimi Proceres, dextra Regis Meridarpa,  
 Ranarum terror, laua armipotentis Alumnus  
 Martis adest valida Taxis metuendus in hasta;  
 Hic prior. Extremo varij discrimine belli  
 Doctus ab antiqua cogor discedere mente,  
 Et pacem laudare; animos fors improba ademit;  
 Ille ego qui fueram pugna Dux, sorte Magistra  
 Sum pacis maior, docet experientia pacem;  
 Multipedes Cancri, gens insuperabilis, unà  
 In nos iurarunt, coniuratiq; laceissent  
 Arma; nec absistent nostrum genus omne priusquam  
 Per coaceruatam pereat cladémq; necémque;  
 Undiq; iam nostro pinguescunt sanguine campi,  
 Funera ubiq; iacent desolataq; cohortes:  
 Vna salus pax esse potest, pax una medela;  
 Sic ille; at Meridarpa sui vix compos ob iram  
 Obliquos torquens oculos, sic intonat ore;  
 O caput insulsum, ô rerum timidissime, pacem

Nunc

Nunc audes suadere, Hostes dum tela coruscant  
 In nostrum iugulum, formidandamq; ruinam?  
 Mars varijs semper gaudet successibus, esto  
 Ius Marte est potius, nobis ius militat, in nos  
 Et Mures, Cancrig; ruant, nil demoror arma,  
 Ille ego qui vibrans hastam modò rauca fugavi  
 Agmina Ranarum, Psycharpaga inultus abibo?  
 Imbellisq; domum repetam? me fulmine ad umbras  
 Tartareas prius impellat dominator Olympi,  
 Quàm nostro illatum vellatur pectore probrum;  
 Nil est quod dubites ô Rex Troxarta timores  
 Vaniloquos Taxis, qui pugnae in limine primo  
 Deficit, ignauusq; Hostem formidat inertem;  
 Perniciem in nostram mouerunt praelia Cancri,  
 Pro nobis Mustellarum genus omne mouebit,  
 Arma libensq; suas vires consumet in illos.  
 Est etiam focus regali stirpe creatus  
 Magnus Onirodes, Glirum qui millia ducit  
 Corpora, qua nusquam timuere pericula Martis,  
 Is potis innumerum Cancrorum frangere robur,  
 Vna salus bellum esse potest; bellum una medela;  
 Interea dubio titubat dum Curia motu,  
 Fertur Oniroda legatum, poscere Regem  
 Troxartan: olli subitò data copia fandi;  
 Dux legatorum Fradnus sic farier, infit;  
 Venimus ô proceres vobis non bella ferentes,  
 Sed belli auxilium, nostras peruenit ad aures  
 Fama noua pugna, quam mouit garrula turba  
 Ranarum, semper socijs confisa propinquis.  
 Hæc nostri generis Princeps meditatus ad arma,  
 Bis quingenta virum fort. ssima corpora legit,  
 Quæ vos in Ranas agitantes bella sequentur,  
 Ipse aderit, proprijsq; opibus, dextraq; iuuabit.  
 Vix ea, cùm Mures manibus plaudentibus arma,

Arma

*Arma fremunt, aptantq; hastas, sedesq; relinquunt,  
Deserit ipse prior solium Troxarta superbum,  
Innumeras referens grates, reboante Theatro,  
Et Fradno, & socijs: bellumq; indicit ab ortu  
Postera ubi adveniens Aurora fugaverit astra:  
Quod superest lucis vāria consumitur arte:  
Pars fabricant thoracas, amant pars altera durum  
Ad silicem ingentes hastas benè tergere, cunctos  
Martius ardor agit, socios Meridarpa futurum  
Excitat ad bellum, & languentem dicitat Hostem.  
Omnes mellifluis curant sua corpora mensis,  
Corpora transacto nimium defessa labore,  
Iamq; rubescentem franis spumantibus ortum  
Fecerat exoriens Titan, cum Iuppiter alto  
Despectans acies dictis compellat amicis  
Pallada, Phœbumq; & validum in certamine Martē,  
Vt video, o nostri procures, nova bella parantur.  
Quid Cancros iuvit nos immisisse leuamen  
Extremum Ranis? Glirum fortissima proles  
Muribus auxilium prabet, pugnamq; laceffit,  
Si placet euentum belli spectemus; & ipse  
Mus vel Rana fuat, nullo discrimine habebo;  
Consedere omnes visuri praelia Diui,  
Nec mora collatis venerunt fulgida signis  
Castra, suum unusquisq; locum, partesq; capeffit;  
Tum laeva intonuit Pater Aligerumq;, hominumq;  
Principium belli; primus Lychenor acuto  
Transadigit ferro costas, atq; ilia fortis  
Hypsinoi, ille cadens animam vomit ore superbam.  
Craucasides clari sortem indignatus amici  
Victoris validam fixit sub corde sagittam;  
Extulit atque imo tales è pectore voces:  
Inunc & palma victor latere peremptus,  
Hypsinoi tristi donat te vulnere, vox est*

Lethiferum testata ictum, tum puluere caco  
 Miscetur campus, nec non furibundus ubiq;  
 Mars errat, stimulatq; animos & succitat iras.  
 Narchis in aduersas acies exultat adusto  
 Stipite, nil hostem curans, velut altera Amazon;  
 Brasseum hac primum nodoso robore truncat,  
 Usque viam indignata sibi parat, impigra Echinum  
 Pinnoteremq; super cadit, prior unguibus acer,  
 Alter in obstantem dum cornibus arietat hostem;  
 Exanimis tamen ambo cadunt terramq; cruentant;  
 Quot validos valida Narchis claua extulit ictus,  
 Tot cecidere hostes, nullis terretur ab armis,  
 Funera funeribus, cades & cadibus augens.  
 Frandibus hac potior Pagrus, vaga lumina vastum  
 Per campum vidit torquens, tot stragis acervos  
 Aspexit late dantem, tunc tempore capto  
 Indeuittato traiecit Narchida fortem  
 Telo ex insidiis; cecidit moribunda nocentem  
 Aegra ferens lucem; subita vi Pagrus iniquus  
 Reginam exanimem obtruncat, spoliisq; cupitis  
 Indutus validum Ranarum territat agmen;  
 Magnus Onirodes cladis quasi conscius inter.  
 Hostiles acies Vxorem quaritat, ultrò  
 Noxia tela petens validis vibrata lacertis.  
 Ecce autem, subitò Pagrum spolia ampla ferentem,  
 Iactantemq; animos, arrectaq; colla gerentem,  
 Vidit, & ingemuit, qualis furiosa Leana  
 Qua venatorem cadentem rupe sub alta  
 Repperit, imbelles catulos, exporrigit ungues,  
 Excutienſq; iuſas, vindicta in imagine tota est;  
 Perfurit haud aliter viso Rex maximus hosti,  
 Extemploq; illum congressus stipite querno  
 Cervicem iuxta mediam diuerberat, ictus  
 Ille cadit, largo tellurem sanguine turpans.

Describit

*Deserit exhalantem animam truculentior Euris,  
 Seuthaumque trucem fatali robore mactat:  
 Huic addit Charabum populari stirpe creatum,  
 Viribus insignem Charabum & iuuenilibus annis;  
 Lymnocharis magno Lichenoria vulnere cadit.  
 Qui rigidum torquens ferrum moribūdus iniquam  
 Lymnocharem viridi fixit sub pectore, uterq;  
 Pulsauere solum, atq; animas simul efflauere.  
 Tunc exaudiri gemitus lacrymaq; cadentum;  
 Crudescent magis atq; magis certamina Martis;  
 Prassophagus Rex Ranarum toto aquore cernens  
 Palantes socios Troxartam agitare, cadentis  
 Fulminis in morem, subito leuis aduolat, hastamq;  
 Arboream quassans, venientem fertur in Hostem;  
 Haud aliter, si magna licet componere paruis,  
 Palladis in magno subeunt fera bella Taburno,  
 Indomiti Tauri, dum stat pro, pugna, corona,  
 Quis pecori imperitet, Dominū quē armenta salutēt.  
 Concurrere ambo Reges, non viribus aquis;  
 Nam Troxarta prior ferro transfixit inermem  
 Prassophagi iugulum, spoliisq; elatus opimis  
 Per campum ostentat victo de Rege Trophaum:  
 Nescia Lycomile casus cadisq; Mariti,  
 Gaudet in hostiles irrumpere dura Phalangas:  
 Ogygij qualis referens Trieterica Bacchi  
 Menas Echionio sauit malè concita motu,  
 Artophagumq; satum regali stirpe furentem  
 Aggreditur, strictoq; aperit penetralia ferro.  
 Ambiguus volitabat adhuc Victoria pennis  
 Castra per armatasque acies cū multa suorum  
 Corpora cadentem Maium qui legibus aquis  
 Ostipedem turbam frenabat, vidit ab alto  
 Magnanimus Meridarpa, suq; accensus acerbam  
 Ob Generis sortem, iam iam refluentibus undis*

*Oceani*

Oceani, spectans orientia signa propinqua  
 Noctis, sic illam contenta voce precatur;  
 O Dea curarum domitrix cui velleris atri  
 Agna cadit, parétq; Acheron, sauaq; sorores,  
 Aspice, ut insulter grauidus iam sanguine nostro  
 Maius, & ingentes vires ad sydera tollat:  
 Quò tibi cura tui discessit sanguinis? Ecquis  
 Venerit auxilio, Mater si pignora linquit?  
 Da veneranda Parens nostris hoc dedecus armis  
 Deleri, tu subde animos, tu dirige ferrum:  
 Sic ait, & totis connixus viribus hastam  
 Coniicit, illa volans Victoris pectus inerme  
 Transadigens Maij calidum bibit acta cruorem,  
 Olli dura quies languentia lumina claudit,  
 Tartareásq; animus fugit indignatus ad umbras:  
 Tum Cancrorum agmen, desertarúmque caterua  
 Ranarum Rege amisso Martem increpat ultrò,  
 (Continuóque fugam capiant, clypeosque relinquunt,  
 Ni roseus victis properans succurrere Titan  
 Quadrupedes fessos in gurgite tingat Ibero)  
 Absistunt bello, seq; in sua castra reducunt.

Finis libri Primi.





# GVIDONIS VANNINII

## I. C. CARMINVM

### Liber secundus.

#### O D E I.


In translationem Vnius ex S. Vrsulæ  
focijs Virginibus ad sanctissimæ  
Trinitatis societatem.

**N**usitatis concita gaudijs  
Quid Luca seruet? quid populus noua  
Ad Trinitatis templa crebrum  
Vrget iter properante gressu?

Quid belluatis strata superbiunt,  
Gazis & ostrum cernitur vrdique,  
Latæque pulsata resultant,  
Voce domus, feriuntque Cælum  
Plausus fauentum? candidus Infula  
Summus sacerdos, quos celebrat sacros  
Latè Triumphos? cur via tot  
Flammiumis facibus nitescunt?  
Ecqua togatis clarus honoribus  
Patrum senatus gaudia concipit?  
Quò stante victores Camilli  
Et Fabij rediere prisca?

Salve

*Salve beatis addita sedibus,  
Virgo cohortis Principis Vrsula,  
Cui sanguis aternos honores  
Magnanimo peperit Triumpho.  
Nil astuantis te rabies quatit  
Rheni, maligna tadia nil via;  
Te barbarorum nil furentum;  
Sanguinis innocui libido.  
Vesaniensis non secus Hadria  
Immota moles in pelago riget,  
In quam procellosus frequentat  
Bella Notro auxiliante Corus;  
Ast illa vinci nescia desidem  
Obstantis hostis ridet inertiam,  
Illoq; deluso cacumen  
Nubibus inseruisse gaudet.  
Dilecta summo Calicolûm Patri  
Cohors, leuamen pauperibus dedit:  
Cui nomen aternè verendum  
Et monados Triadosq; Numen.  
Agnosce festam quam celebras diem  
Luca, cateruis concomitantibus,  
Feliciori hac est lapillo  
Vna tibi meritò notanda.  
Semper vagantis Paupe, is hospita,  
Domus patefcis Virginis hospita,  
Nunc essa seruas, mox supernum  
Ossa tibi hospitium datura.*




In Christi Natalem diem  
Nænia.

O D E II.

**I** Am nox sidereis onusta flammis,  
 Languebat nitido fugata mundo,  
 Et somnus placidis ligarat omnes  
 Alis Terrigenas, tamen tenellus  
 Vnus mellifluus puer Deusq;  
 Humano generi subit labores.  
 Is in gramineo iacens cubili,  
 Vstus purpureum latus subactis  
 Aristis, Boreæ procacis vstus  
 Diris flaminibus, suos ocellos  
 Et pulcras genulas rigabat usque  
 Vsq; lacrymulis, premebat una  
 Astantis tenerum sua Parentis  
 Et pectus tenerum sui Parentis;  
 Huc se contulerat sacro suorum  
 Stipatus Comitum choro frequenti  
 Insignis Gabriel, nitentiores  
 Qui plectri modulos sui remittens,  
 Arguta, cithara fides canoras  
 Pulsabat, pueri Dei querelis  
 Idem sollicitus, suo iocosam  
 Pendentem lateri lyram disertus  
 Accepi, queruli diu cupito  
 Qua vincire queat sopore Nati  
 Multis lacrymulis graues ocellos:  
 Nec procul stabulo Dei inuentis

*Ad terram posito hac genu locutus,*  
*Dulci cum cithara canente voce;*  
*Somno turbidulos tuos ocellos*  
*Claude belle puer, puer quiesce.*  
*Ignes fulgiduli nitentis axis*  
*Scintillant tacita quiete Cælo:*  
*Infesti subitis Noti procellis*  
*In antris capiunt suis soporem;*  
*En omnis volucris perosa cantum,*  
*Diurnos releuat silens labores,*  
*Omnis lacteolus, tenellus omnis*  
*Infans blandiloqua sua Parentis*  
*Fotus in tenero sinu quiescit;*  
*Amplexus igitur Parentis inter*  
*Somno turbidulos tuos ocellos,*  
*Claude belle puer, puer quiesce.*  
*Tu decus superi Patris perenne*  
*Chori Cœlicolũm puer voluptas,*  
*Human generis salus futura,*  
*Belli fulminibus quies futura,*  
*Pacis perpetuò rata benignus*  
*Obses cur lacrymis repleas cubile?*  
*Somno turbidulos tuos ocellos*  
*Claude belle puer, puer quiesce.*  
*Suxisti roseis tuis labellis*  
*Plenas Virgineo liquore mammas:*  
*Coerce tepidum, precor, coerce*  
*Fletum, quo propriam coquis Parentem;*  
*Si doles miserè, Parens dolebit;*  
*Si dormis, vigiles remittet illa*  
*Curas, & placidam trahet quietem.*  
*Matri parce tua, tibi que parce.*  
*Somno turbidulos tuos ocellos*  
*Claude belle puer, puer quiesce.*

*Pulchrior viola puer nitenti,  
 Albis candidior puer ligustris,  
 Sertis Pupe rubens magis rosarum,  
 Plumis molliculus magis columba:  
 Osolatiolum Dei Parentis,  
 Osolatiolum senis Parentis.  
 Fallor an domuit sopor iacentem?  
 Haud fallor, Cithara filebit ergo  
 Sonus, namque tener Puer quieuit.*




In diem festum Deiparae Virginis Lu-  
 censibus solemnem.

## HYMNVS III.

**C**omas reuincti floribus  
 Canant puelli Virginem;  
 Sertis nitentes maximam  
 Matrem canant Puellula;  
 Opus relinquat rusticus,  
 Ancilla pensum deferat,  
 Fori quiescant iurgia,  
 Fulsit dies faustissima;  
 Ciues opima confluant  
 Templo ferentes munera:  
 Mens omnibus sit integra  
 Qua cuncta vincit munera.  
 Virgo furem militem,  
 Et eius ausum, prouida,  
 Fractore pentè brachio,  
 Salubriter compescuit;  
 Illique fasso perfidum  
 Scelus, salutem praeuit:  
 Vindex fuit, iustissima  
 Fuit medela noxio.

*Hûc plurimi indigentium  
 Se conferant mortalium  
 Cœtus, quies est unica  
 Virgo piè precantibus;  
 Burgensis olim peruigil  
 Porta fuit custodia:  
 Totam sua praesentia  
 Nunc ciuitatem protegit;  
 Hac imminentes longius  
 Repellit hostes finibus:  
 Hac una verè libera  
 Nos reddet usque liberos.  
 Ergo reuincti floribus  
 Comas, puelli, Virginem,  
 Sertis nitentes, Maximam  
 Matrem canant Puellula..*



*In Sacram Deiparæ Virginis Imaginem,  
 S. Lucæ manu Pictam:*

*Quæ in Monte Guardiae, Bononiæ ad-  
 iacente, asseruatur..*

## IV.

*D*iuina mentem vis agitat meam,  
 Calorque pectus vix superabilis.  
 Tu diua vatis derelicta  
 Frana tui melior coërce.  
 Tristes recedant & timor, & metus;  
 Adest canenti, cuius imagine  
 Tantùm superbit grata summo  
 FELSINA Calicolum Parentis;

*Imago signis clarior in diem,  
Agmen piorum qua videt; & stupet,  
Illam cateruatim reuisens  
Perpetuò miseros tuentem.*

*Hic vota soluens Æsaros incola  
Arnique, reddunt grandia munera;  
Huc ultimi tendunt Geloni,  
Tendit Iber, Rhodanique potor.*

*Insanientem Nauita qui Notum,  
Tumultuosi passus & Africi  
Aufugit vergentem ruinam,  
Hic statuit memorem tabellam.*


*Dum dextra Virgo est Numen amabile,  
Securus Indos sedulus appete  
Mercator, optato fruêris,  
Et patriam remeabis urbem:*

*Onusta donis undiq; barbaris  
Tu testis Ædes, testis & Indicâ  
Gemmâ coronatum lacunar,  
Et paries redimitus auro:*

*Non hanc superbi Protogenis manus,  
Cœrue Apellis, pinxit imaginem.  
Cedant profanati colores,  
Diua sacrum Artificem poposcit;*

*Tu Luca tanta Virginis impiger  
Custos, latentis cui penetralia  
Mentis reclusit, non silendam  
Effigiem meritis reponis:*

*Agnosce munus, Felsina, syderum  
Quo te beauit Rector & Arbitr,  
Diuaq; supplex destinatas  
Perpetuum meditare laudes.*



In expiationem Peccatorum, Precatio  
ad Deum.

V.

**O** *Christe Reſtor Calitum,  
Idem ſalus mortalium,  
Quibus ſalutem ut redderes,  
Crucis ſubiſti dedecus:*

*Tum vita morti cedere  
Viſa eſt, ſed ipſa corruiſit:  
Nam morte mortem vincere  
Petens fuiſti brachio:*

*Huc verte Chriſte lumina,  
Benignus & me reſpice,  
Me conſcium tot criminum  
Quot pontus undas euomit:*

*Talis ab uſque ad verticem  
Hinc inde mille fortiter  
Patent adaſta vulnera,  
Manum tuam poſcentia;  
Heu tres fuerunt, ſpicula  
Hoſtes gerentes plurima,  
Mundus, Venus, teterrimus  
Ditis Tyrannus tertius.*

*Heu tot ſubaſtus fortibus,  
Tibiq; dolci transfuga  
Faſtus parenti, quod ſcelus  
Reliqui inauſum perfidus?*

*Iniquitates ebibi,  
Noſas in iras prouocans,  
Te rebus, & verbis malis,  
Et cogitationibus;*

*Tandem*



*Tandem tuo perterritus  
Furore, multa & gratia  
Afflatus, ad te filius  
Patrem reuertor unicum;  
Pecasse tædet, pœnitet,  
Tibi patent præcordia,  
Fletus fluens extrinsecus  
Cordis dolorem comprobat.  
Nî me tua clementia  
Complecteris, quò transferar  
Heu derelictus? ah tua  
Opus, tua sum dextera:  
Olim pius si plurimis  
Contaminata sordibus,  
Addicta & Orco, maximam  
Opem tulisti Magdala;  
Olim sepulcro fœtidum  
Si suscitasti Lazarum,  
Tuo medere sanguine  
Plagis meis hiantibus;  
Tu plus potes dimittere,  
Quàm perfidus committere  
Quicumque possit, suscipe  
Ergo nocentis lacrymas:  
Centena monstra Tartari,  
Armata ferro & noxijs  
Flammis, quietem perduto  
Noctu diuque denegant:  
Quocumque verto lumina,  
Hæc spectra cerno, nobilem  
Ah Christe me tuam hostibus  
Tuis rapinam surripe.  
Exurge tandem dextera  
Victor, tuòque rebore*

*Sauos rebelles luridi  
 Turbam barathri contere.  
 Hostes superbi sic tui  
 Meiꝑ, victi concidant;  
 Pulsis quibus debebitur  
 Vni tibi Victoria.*




*In diem festum S. Paulini Episcopi  
 Lucensis*

*Hymnus V I.*

*O Ptata fulsi: annua  
 Dies supremi Antistitis,  
 Primus sacro qui nectare  
 Paut gregem Lucensium:  
 Lucensis olim Ciuitas  
 Heu lucis expers, plurimas  
 Dea triformi victimas  
 Sacrabat & Tyrinthio,  
 Idola, vero numine  
 Paulinus actus, diruit,  
 Et imbuit Lucensia  
 Splendore Cali pectora,  
 Christiꝑ, largo sanguine,  
 Nullo pauore territus,  
 Fidem probauit: est dies  
 Hac digna summis gaudijs.  
 Paulinus arx fortissima,  
 Defensor idem finium,  
 Idem tuctur moenia,  
 Et detegit fallacias;*

*Agnosce*

*Agnosce Luca, munera  
 Arisq; thura congere,  
 Servabis hoc te liberam  
 Tanto Patrono Vindice.*




Precatio ad Deum Pro aëris serenitate.

VII.

**O** Summe Rector Calitum,  
 Qui cuncta nutu concutis,  
 Idemque clementissime  
 Nobis pater mortalibus,  
 Ah fuge tandem noxios  
 In nos tua iustissima  
 Ira modum; nos pœnitet,  
 Nos tadet ultro criminum;  
 Audi preces orantium,  
 Fusas ab imo pectore:  
 Preces furentis aëris  
 Serenitatem postulant;  
 Obduxit atris nubibus,  
 Mentis tua Sol conscius,  
 Totum, comas optabiles,  
 Orbem replentes gaudijs;  
 At sole victo turbidas  
 Quas non procellas imbrum.  
 Fundit notus per nubilum  
 Victor superbus aëra?  
 Si nocte largi sauiunt  
 Imbres, dies est sauior;  
 Nulla est quies furentibus,  
 Effrenis est licentia;

*En arua nostra respice*  
*Sunt arua iam Neptunia,*  
*Et rusticorum nullibi*  
*Latos labores cernimus;*  
*Vbi colonus pinguis*  
*Iacturus est heu semina,*  
*Mutum genus depascitur*  
*Factis ibi cubilibus.*  
*En Auxer addictus, tuis*  
*Nostisque surdus vocibus,*  
*Urbis vetusta mania,*  
*Fractis habenis, arietat.*  
*Si te mouent suspiria,*  
*Si te mouent & lacrymae;*  
*En fundimus suspiria,*  
*Et lacrymas effundimus.*  
*Ergo Pater, benignior*  
*Factus, preces Lucensium*  
*Audi, madentis aëris*  
*Qui postulant clementiam.*




Ad Illustrissimum Cardinalem Bonui-  
 sium de Bonuifiis, ex Pannonia  
 Lucam redeuntem.

V I I I.

**P**rinceps auito sidere clarior,  
 Quem nunc receptum Patria suspicit,  
 Virtutis illustrem trophæis,  
 Et titulis meritóque fastu;  
 Scientiarum te Puerum Dea  
 Excepit vlnas inter amabiles,

Doctâsque

Doctásque traduxit per artes,  
 Ingenij præeunte flamma;  
 Hinc ebibisti diuite pectore  
 Dotes superbas tunc animi, quibus  
 Per te nitescit Luca, clares  
 Et Latia venerandus Vrbi.  
 Tuum nefandi pectus aheneum  
 Damnosa vicit tela Cupidinis,  
 Orcúsque calcauit quot atra  
 Monstra vomit, rabidásque pestes.  
 Testis vetustí clara Viterbij  
 Vrbs, qua supremum te sibi Præsidentem  
 Amplexa, longo, concupitam  
 Sensit opem, releuata luctu;  
 Quin te micanti casside regiam  
 Frontem prementem, pectus & agide,  
 Armis nitescente rogáque,  
 Horribiles metuere Thraces;  
 Tot ergo raris moribus inclytus,  
 Nobisque degas, & patria & tibi:  
 Mercede Virtus nam labores  
 Seriùs aut citiùs coronat.



Ad Robertum Titium in Bononiensi  
 Gymnasio humaniores litteras  
 gloriosissimè profitentem.

I X.

**T**Iti beatís amule Vatibus,  
 Ætas priorum quos tulit aurea,  
 Bononiensis Ciuitatis  
 Grande decus, columénque Titi,

Quò me pauentem gloria, quò tuus  
 Me splendor urget, quò trahor arduus?  
 Quas præsciis sumo ruina  
 Icarias periturus alas?

Tuúmne dicam cedere nescium,  
 Maiusq; magnis ingenium malis,  
 Insanientis quo labores  
 Et rabidum superasse dentem

Fatetur Orbis? tum sibi maximum  
 Despecta tellus Italia vindicem  
 Te legit unum, te supernis  
 Laudibus & titulis beavit.

Dicámne lingua diuitis aureum  
 Flumen, Virorum quò velut ebrias  
 Ducis cohortes, quod peritum  
 Attonita bibit aure vulgus?

Urbs docta talem Palladii inclytum  
 Platona vidit, Romaq; Tullium,  
 Iam iam labenti consulentem  
 Multa sibi, stupefacta sensit;


Si post labores, mens citharam iubet  
 Referre lusus, Pindaricum canis;  
 Si maximorum non silenda  
 Facta Ducum, grauiore plectro,

Incedis audax; nec tua terruit  
 Sublimis unquam lumina Cynthius.  
 Cui lumen æternum nitescit,  
 Quas potuit timuisse noctes?

Sic spernis Orbem, quicquid & improba  
 Fortuna sauit, Dædaleo pede,  
 Et nulla doctorum remittit  
 Lingua tuas taciturna laudes;

Obluionis sic validam manum  
 Eludis, alis vix homini datis,

*Chartisq; victurus superstes,  
Perpetuum meditaris animum.  
Me Musa nutrit conditionibus  
Contenta parvis, sat mihi cognitum,  
Intraque fines me fouentis,  
Nota sibi, Patria coarctat.*



Ad eundem de obitu Diomedis  
Borghesij Senensis.

X.


**E**rgo piorum nescia parcere,  
Roberte, votis, diffidit Atropos  
Vitale stamen, qui paterna  
Borghesij noua norma lingua  
Reluxit olim? nunc iacet Italis  
Lugendus oris, flebilior magis  
Sena Parenti, qua decorum  
Eximio viduata Nato,  
Ætate digno Nestorei senis,  
Et scissa crinem non secus ingemit,  
Quàm fertur Argos pertulisse  
Fata sui periniqua Vatis;  
Frustra superbam flectere cantibus  
Mortem studemus; profuit Orpheo  
Tigres ad Hebrum quid sonoro  
Indomitas domuisse plectro?  
Cunctis id unum est insuperabile,  
Necesse cunctis; desine pernicax  
Cantus lugubres, & querelas  
O Sophia columnen supremum;

*Suspiriorum nubibus obsitas*

*Post una multas eniteat tibi*

*Lux clara; mortem vincit ille*

*Quem meritis beat alta Virtus.*



Ad Iannettinum Auriam Cardinalem,  
ad aquas Lucenses commorantem.

X I.

**Q**uid pernicaci pigra silentio,  
Chordis remissis Musa diu siles?

Cur publicos inter triumphos

Publica tu quoque conticescis?

Audis ut altè consonat undique

Lucensis agri frondiferum nemus,

Sylvaque certatim iocosa

Gaudia testificantur aura?

Vides amœnis currere fontibus

Vndas salubres? & solito magis

Ægris medelam ferre certam,

Atque hilares properare lymphas;

En LIMA fluctu voluitur aureo,

Tago superbo cedere nescia,

Hermòue, Vates, fabuloso,

Quos nimium coluère prisci.

Hæc tanta nostris Auria purpura

Donavit oris, cuius amabiles

Rarâsque dotes qua rotundo

Ore queat retulisse Musa?


Ausa est Etrusco magna sonans stylo,

Cæptisque fœlix Tegrinia Aurias

Efferre



*Efferre laudes, illa metam  
 Dada! eo tenuit volatu;  
 Tu verò prisco cautior Icaro,  
 Humana tentes, nil hominem sonat  
 Hoc purpuratum lumen Urbis,  
 Et Patrij decus Orbis ingens:  
 Ille est piarum prouidus Ædium  
 Custos, ubique est maxima Pauperum  
 Tutela, fœlix ò Panormus  
 Principe facta beata tanto:  
 Sed tum nitescet iure beator  
 Orbis, Tiara cùm Auria triplici  
 Latè refulgens concupita  
 Aurea secla nouabit Orbi.*



Ad Ioannem Contium Physicum præ-  
 stantissimum, de recuperata  
 Valetudine.

## XII.

*IO beati Calliope decus  
 Chori, supremam post maciem, mala  
 Post longa iuuerunt medela,  
 Et veteres rediére vires.  
 Sunt ergo grates innumerabiles  
 Modis agenda Pindarica Lyra,  
 En Contio, solus cadentem  
 Qui rapuit Phlegethontis undis;  
 Mortis furentis contudit unicus  
 Fatale telum, conscius omnium  
 Queis fœta ditiescit bonorum,  
 Terra nouo reparata cultu.*

*Alcestis*

*Alceſtis olim coniugis exitum  
Miſerta, talem ſenſit opem manus,  
Cervice cuius fulta mundi  
Siderei ſtetit ipſa moles,  
Gens Graia priſcum experta Machaona,  
Perdicca talem Rex Macedum ſenem  
Qui ſacra Natura recludens  
Neſtoreos iteravit annos.  
Te iurè talem te meritis vehit  
Vrbs noſtra calo laudibus, invida  
Voces recedant, nam beata  
Cuncta tibi ſuperaffe Virtus  
Conceſſit, altè tu Sophia impiger  
Fontes perennes, tu penetralia  
Rimatus, aſpernaris unus  
Vulgus iners, volitante penna.  
Quicquid minentur ſub Ioue frigido  
Atlante Nata ſydereum Genus,  
Et quicquid Orion caduco  
Exitij meditetur Orbi,  
Vidiſſe præſens conſilio occupas,  
Duròſque caſus prouidus anteis,  
Hac arte conſiſus malignis  
Conſpicuus dominaris Aſtris;  
Res grandiori dignior eſt ſono,  
Sententiarum copia deſicit.  
Quò Muſa pergis? deſtinatos  
Feſſa via moderare gyros.*

*Finis libri ſecundi.*



# GVIDONIS VANNINII

## I. C. C A R M I N V M

Liber Tertius.

### E L E G I A P R I M A.

Augustinus , è Monte Pisano,  
Ambrosio Mediolanensi  
Episcopo

S. D.

I.

**H**ic mihi magne Pater iam tertia volui-  
tur aetas,  
Ex quo nulla tibi reddita nostra salus:  
Id mea praterita fecerunt crimina vita,  
Si modò sub Stygio est vita vocanda Duce.  
Qua fluit ex oculis dum culpas eluit unda,  
Immemorem fecit nominis esse tui;  
Sic quidquid vixi, mihi vixi, ut viueret in me  
Assiduus Christi, vita perennis, Amor.  
Additur his series variorum longa laborum,  
Dum vagor Italia per loca sacrapedes,  
Quos Appenninus brumali sydere diros  
Non mouit nimbos horriferaeque niues?  
O rigidas rupes, & inhospita culmina montes,  
Bella ubi perpetuò ventus & unda tonant:  
Me mala iactarunt longis erroribus agrum,

At

At grauius senior pertulit illa Parens,  
 Cara Parens, cuius lacrymis mihi reddita vera est  
 Vita animi, dederat corporis illa prius;  
 Hac mihi semper erat duplicati causa laboris,  
 Ingens nocte dolor, maxima cura die:  
 Quot dabat afflicto suspiria pectore, Nato  
 Cor tot figebant spicula dira mihi,  
 Defessos donec nos tandem Roma recepit,  
 Grata fatigatis Roma futura quies;  
 Hic placuit nobis denos consumere menses,  
 Lustramus cupido dum loca sacra pede:  
 Supplicibus iuuat huc genibus perrepere, & illuc  
 Iuncta pijs lacrymis oscula ferre iuuat;  
 Nunc & in Exquilij modo condita visere templa,  
 Æstiuæ dudum quò cecidere niues.  
 Cur Petri te prater eo mons aureus, & te  
 Fons Pauli, unde sacrum; lac, aqua, sanguis, abit?  
 Singula quid narrem? nil non lacrymabile ubiq; est,  
 Nil quod non spiret religionis opus.  
 Interea rabidis vallata Canicula flammis  
 Ardet, & arentes Phœbus hiulcat agros:  
 Phœbus agit febrem, febris depascitur artus  
 Sæua meos, multum hinc languet amica Parens,  
 Angitur atque dolet, simulat sed gaudia vultu,  
 Damna mihi mœrens ne grauiora ferat:  
 Clam me conqueritur singultibus interruptis,  
 Atque gemens longum flumina fundit humi,  
 Acrius inq; dies vis morbi sauit, & agrè  
 Confidit Physicus posse lenare malum:  
 Pharmaca multa parat, sed febris pharmaca vincit:  
 Quo magis hic præstat, persurit illa magis:  
 Et iam succumbunt deuicto corpore vires,  
 Morte natant oculi, liuida lingua tumet:  
 Ipsa Machaonios Genitrix iam cedere succos  
 Sentit, & ô clamat, quò mihi Nate fugis?

*Heu me destitues externis siccine in uris?*

*Atque oculos claudam facta superstes anus?*

*Quid faciat? superos votis Calúmque fatigat,*

*Fundit & assiduas nocte diéque preces,*

*Et precibus lacrymas, lacrymis suspiria miscet,*

*Vt si non possint singula, multa iuuent.*

*Quid non cogit amor maternus? reddita certa est*

*Vita mihi, & Matri reddita vita mea;*

*Conualui, gratéque Deo persoluimus uná,*

*Et compos voti, plurima vota, Parens;*

*Venit at interea Autumni clementia, móxque*

*Aspera successit, móxque recessit hyems;*

*Ver redit, ac teneris iuuenescit frondibus arbor,*

*Optatósque refert Taurus, ab axe dies,*

*Ingenti Genitrix Patria flagrabat amore,*

*Traxerat & mentem sub sua iura meam,*

*Egredimur magna felici fidere Roma,*

*Tranquilloq; vehit Tybris utrumque sinu,*

*Ostia nos recipit, quam prudens condidit Ancus,*

*Hác Romam ut dites inueherentur opes:*

*Mens erat hinc nobis blandis dare carbasia ventis.*

*Vt patrias tandem cymba subiret aquas:*

*Deferis híc fessum Mater dulcissima Natum,*

*Et, miseri victrix orbis, ad Ástra volas;*

*Quas ego non fudi lacrymas? ô semper honore*

*Digna dies, Gnato semper acerba dies!*

*Inferijs deflens tumulo de more solutis,*

*Hinc soluo oblitus Punica terra tui,*

*Tyrrhenúmque secans dextra iam mania linquo*

*Pyrgorum, celeri post mea terga rate,*

*Antiquúmque Inui Castrum, sed sole cadente*

*Ad centum cellas palmula flexit iter.*

*Híc homines vidi Christi sacra signa secutos,*


*Quos sibi viuentes horrida tesqua iuuant.*

*Fœlices*

*Falices anima quibus optatissima magnas  
 Paupertas stabili fœnore aceruat opes;  
 Aura fauet, pelagóque volans natat uncta carina,  
 Cernitur Argenti nomine dictus apex;  
 En maris ad laeuam iam se Capraria tollit,  
 Nec procul hinc Gorgon tu quoque fortis ades;  
 Clara Triturrita vento pelagóque fauente  
 Ex templo puppis littora nostra tenet,  
 Hinc recto Alpheas contendo tramite Pisas,  
 Quas circumuallant Arnus & Æsar aquis;  
 Mons erat ad laeuam, Pisanus nomine, Cælo  
 Dilectus, Monachis portus & alma quies:  
 Húc ego secessi, cupidus mihi viuere, vitam  
 Nam dignam Cælo, qui sibi uiuit, agit;  
 Híc fruor optatis, Pater ô sanctissime, Votis,  
 Et desiderijs mens vacat alta suis;  
 Híc mihi soliuaga sunt magna palatia rupes,  
 Híc & inaccessa mollia prata via;  
 Sollicitos alius Sarrano querat in ostro  
 Somnos; nam requies est mihi sola solum:  
 Aurea pacatam turbant laquearia mentem,  
 Et vigiles noctes purpura multa trahit.  
 Longa fames corpus lassat? sitis ora fatigat?  
 Herba famem fedat, pellit & unda sitim:  
 Hinc ego prospicio vesanas aquoris undas,  
 Et tacitus mecum, sic mea vita fuit;  
 Mors mihi vita fuit, furijs agitata Iuuenta,  
 Perpetuò est lacrymis culpa luenda meis.  
 Nonne Deus, clamo, flenti mihi crimina, parcat?  
 Parcat, responsant concava saxa, Deus,  
 Híc inter rupes quæ sit mihi causa morandi?  
 Orandi, subitò vasta cauerna sonat,  
 Nec procul hinc distant dilectæ mania Luca,  
 Mania finitimis imperiosa locis,*

Urbs est grata mihi, calo gratissima, namq;  
 Cœlestis lucis, nomen & omen habet;  
 Illa suis factis olim si claruit orbi,  
 Nunc magis in vera Relligione nitet;  
 Húc me saepe fero, ut Maria noua tēpla frequenter  
 Inuisam, & Trino templa dicata Deo;  
 Et quo iam steterant Truia simulacra, nefandóq;  
 Amphitryoniada structa sacella loco,  
 Signa Crucis gemmis auróque intexta coluntur,  
 Pendet & auratis picta Tabella tholis;  
 Quæq; Theatrales conspexit machina pompas,  
 Christiadum pompas excipit illa sacras:  
 Híc ubi circus erat Romanis amulus, inter  
 Nunc tercentenas emicat ara faces;  
 Est populus pietate simul, simul inclytus armis,  
 Inter & Hetruscos fortia bella gerit:  
 Húc debellatas acies Sempronius olim  
 Duxit relliquias ô Thrasymene tuas,  
 Híc quoque Romanos fasces exhorruit Orbis,  
 Et iuncto ternos fœdere ritè Duces:  
 Longinquis húc si tendat peregrinus ab oris,  
 Semper habet, quarit quam miserandus opem:  
 Gens habitat fidei atque obseruantissima recti,  
 Largiter, inque omnes officiosa pios,  
 Ille Deus cui sunt cura pia facta, secundus  
 Forsan Lucenses ad meliora ferat,  
 Eniteántque sui concordii robore Iuris,  
 Lucáque praclaris rebus ad astra volet,  
 Illustres miretur Auos sanctúmque senatum,  
 Et libertatis pace fruatur amans;  
 Luca placet, tamen almae Pater si vera fateri  
 Ipse velim, mentem sola cauerna beat;  
 Híc ploro, híc lacrymor, culpas nocturnus in antro,  
 Et matutinus turpia facta gemo:

*Si niuibus rigeo, flammæ & sulphura Ditis  
 Ante oculos mea mens quæ meditetur, habet.  
 Sirius urit agros? meditantis, membra rigescunt,  
 Æternos æstus, Styx pice septa, tuos,  
 Quoque Deum magis offendi, tanto magis intus  
 Dilacerat pectus plurima culpa meum:  
 Ast aliàs Christi effigiem tua munera longè  
 Amplector, toto pectore fusus humi:  
 Seu dextram dextra admoueo, siue oribus ora,  
 Vera mihi os loquitur, sanat & illa manus:  
 Est affixa Cruci, iacere ut dediscat amicè  
 Deses in innumeros, tela trifurca, reos;  
 Pectus hiat fossam crudeli cuspide, turpes  
 Ut scelerum sordes sanguinis unda lauet.  
 Heu quis non Domino lacrymarum flumina fundat,  
 Sanguinis in Domino dum videt illa suo?  
 Unda undam societ certatim, ut sanguine & unda  
 Mollescat vinctum cor adamante meum.  
 Totus amans est vulnus; ego quoq; vulnera totus,  
 Sanus ero, mea si vulnera vulnus ament.  
 Languet amans ut languendo me fleat amantem,  
 Et moritur vita, ut vita sit ille mea.  
 Tu quoq; qui misero Pater optime vita fuisti,  
 Affer opem; precibus, dum potes, affer opem,  
 Ut per inaccessas rupes & inhospita tesqua  
 Ad superos ducat me METANOIA. Vale.*



Monica Mater Augustino suo Ro-  
 mam profecto.

II.

**S**iccine Nate tuam potuisti linguere Matrem,  
 Nate nimis Matri credite, care nimis?



*Ah cedunt feritate tibi Tigrésque leaë,  
Et Massilæ turpia monstra soli,  
Córque adamanteo vinctum est tibi perfide nexu,  
Quódque nefas maius, pectus inane fide;  
Me iurata rudem tua perfida lingua fefellit:  
Mens tibi vafra fuit, lingua dolosa fuit;  
Decepisse tuam falso sermone Parentem,  
Scilicet est superis æquiparandus honor?  
Hæc sunt perpetuis præconia digna Triumphis?  
Hæc manet ingenium messis opima tuum?  
Credula mendaci decepta est pignore Mater;  
Nam facile est Matrem credulitate capi;  
Quàm bene cognoui patria tua tadia nostra,  
Ex quo Roma tibi plurima in ore fuit.  
Sidera lucebant, Phæbus fulgebat ab axe,  
Illa tamen steterat pectore cura tuo;  
Audiui quoties per somnia vera fatentem,  
Roma mihi requies, Roma fruendus amor?  
Quando erit ut te complectar mea sola voluptas,  
Roma salus, animi Roma medela mei?  
Hæc iactata tibi nostris contraria votis,  
Torquebant quanto pectora mœsta metu?  
Quas ingræte preces non moui sedula, multis  
Et precibus quæ non oscula iuncta dedi?  
Hæserunt, meminisse potes, mea brachia collo,  
Interdúmque tuos circumiére pedes.  
Te pudeat ni iam pridem pudor ora reliquit,  
Me genibus Matrem procubuisse tuis:  
Improbe vidisti tumidos deflentis ocellos,  
Et terram falsis immaduisse vadis;  
Omnia tentavi, sed tu fallacior ipsis  
Syrtibus, in blando melle venena dabas;  
Sum donec decepta tuo sermone, datamque  
Fregisti tectâ proditione fidem;*

*Quàm*


Quàm bene adhuc memini, retinet ludentia pectus,  
 Heu lacrymas, Mater, siste parum per, ais.  
 Si quis amor vel cura mei te tangit & angit,  
 Ah sine me Romam tuta carina vehat:  
 Nulla mihi hîc requies, odi lectumque cibosque,  
 Membra torus vexat, non iuuat ora cibus;  
 Ast ubi contigero Romani littoris oras,  
 Ora cibos querant, & iuuet ossa torus:  
 Mens immota, Parens, illuc sum certus eundi,  
 Et si distulero tempora, funus habes;  
 Quin potius si Pignus amas, cum Pignore Roman  
 Lata veni, haud poterit pœnituisse via:  
 Nobiscum Deodatus erit, virtutibus auctum  
 Olim quem faciet regia Roma virum;  
 Aspicias Urbem frenantem legibus Orbem,  
 Et dices, Orbis totus in Vrbe nitet;  
 Hîc variis cernes fulgentia templa lapillis;  
 Atque tua immensas Relligionis opes,  
 Si Carthago placet, magna Carthaginis illa  
 Vincit opes, Terris imperiosa nimis;  
 Lata veni, nam Roma mihi iam spendet honores,  
 Et parat eloquio premia digna meo;  
 Roma meis, Genitrix, factis patet area; sorti  
 Quid iam felici subtrahis agra sinum?  
 Has similisque dabas mentito pectore Voces,  
 His addens humiles fortia tela preces.  
 Sic comprehensa dolis, promissi credula vastum  
 Carulea tecum scindere puppe fretum,  
 Quos tum fingebas mecum malesane triumphos?  
 Et non narranda callidus arte iocos?  
 Iuncta dabas misera mellitis oscula verbis,  
 Certius ut gemino vincerer hoste Parens;  
 Visita fui, sic apta via mihi multa parantur;  
 Cymba procellosis apta paratur aquis,

Venimus:

*Venimus ad portum ( pelagus ventiq; fauebant )*  
*Proximus est templo qui Cypriane tuo;*  
*Hûc ego secessi, auxilium oratura supernum,*  
*Dum vaga nautarum turba moratur iter;*  
*Deseris orantem pro te, ventiq; per undas*  
*Heu coniurati vela fidemque ferunt,*  
*Quod scelus ut nostras infandum perculit aures,*  
*Ad portum celero precipitata pedem,*  
*Sed tua iam longè puppis vada salsa secabat,*  
*O amor, ô pietas, ô temerata fides;*  
*Perfide proclamo, resonat mihi, perfide, littus,-*  
*Littus habet sensum, nec tibi sensus inest,*  
*Hûc periure redi, ne te tua crimina damnent,*  
*Quò fugis? in medijs pœna luetur aquis.*  
*Fœderis est vindex violati pontus, & ipsa*  
*Non habet heu numeros panda carina suos:*  
*Si puppim prohibes, quo pacto atate tulisses*  
*Effœtam collo me violente tuo?*  
*Hac promissa fides? hac est data dextera dextra?*  
*Hac impressa meis oscula crebra genis?*  
*Non mea canities potuit sauisime rerum,*  
*Frangere munitum cor adamante tuum?*  
*Gratum te simulas, & Matrem decipis Hostis;*  
*Fallis & occulta proditiōe fidem?*  
*Illā tibi Mater, famulā quam deseris instar?*  
*Illā Parens, quā sit solā relicta solo?*  
*Eheu quid merui, vel quo me crimine damnas?*  
*Quā mea pertasus facta repenti fugis?*  
*Quò periture fugis? Deus est iustissimus ultor,*  
*Cui seuum famulas exhibet aquor aquas;*  
*Quem tu non nosti, nouerunt ventus & unda;*  
*Siste, tibi mortem ventus & unda parant:*  
*Scylla vorax canibusq; latus vallata Charybdis;*  
*In te iam rabidas exacnere manus.*

Quid tibi mentis erit spectanti monstra? citisque  
 Fracto turbinibus quid tibi mentis erit?  
 Protinus ante oculos stabit mœstissima Mater,  
 Eheu deserto sola relicta loco,  
 Impie frangeris, tandēque fatebere victum,  
 Sapius & dices, qua fero, iurè fero:  
 Tum Matris tibi nomen erit prædulce, quod horres,  
 Nomen in extrema voce Parentis erit;  
 Hos inter gemitus, & singultantia verba;  
 Heu cecidi glacie frigida facta magis,  
 Donec me sensi sera sub nocte relata  
 Basilica manibus Perpetuaque domum,  
 Officium fecere pium: tamen impius heu tu  
 Me nolente secas aquora vasta rate;  
 Dic ubi peruenias, quod fert vesana voluptas,  
 Nullaque perfidia perfide damna feras,  
 Ecquid erit pretij? vanos tibi fingis honores,  
 Fallere, nam res est credula blandus amor.  
 Ambitionis amor nimis ab te raptat amantem,  
 Decipit & pectus spes malè certa tuum.  
 Facta putant iuvenes qua sunt facienda, feròque  
 Prouida consilij sub pede colla premunt;  
 Quas sibi non fingunt ardenti mente Chimaras?  
 Iste ager heu nimia fertilitate nocet;  
 Scilicet insigni excipiet te Roma Triumpho,  
 Ibis & auratis conspiciendus equis;  
 Sublimem plaudet te circum turba, petesque  
 Dein Capitolini culmina celsa Iugi,  
 Per te captiuam sic viderit Africa Romam,  
 Africa qua toties colla subacta dedit:  
 Gratuler, ast cupida sunt mendacissima mentis  
 Gaudia, qua temerè spes animosa fouet;  
 Pergis ut eloquium messes tibi diuitis auri  
 Congerat? heu posthac vnde querare, cupis:

*Sapius est Iuueni scelerum seges aurea Nutrix,  
Fulcitúrque opibus luxuriosus amor,  
Nominis es cupidus? queras tibi nomen ab astris,  
Immortale dabit terra beata decus:  
Si sapies, pulsas tenebris, Caelestia verè,  
Crede mihi, dices, Est Deus omne bonum;  
Quicquid habet tum Roma, tibi sordebit, honoris,  
Orbis vilescet quicquid amoris habet;  
Plura velim, sed plura dolor vetat addere, qui si  
Permittet miseram me superesse parum,  
Te sequar audacter per mille pericula rerum,  
Nil erit optatum quod remoretur iter,  
Harebo lateri custos rigidissima, donec  
Constituas manibus nostra sepulcra tuis;  
Hos oculos condes, cinerique precabere fausta,  
Et saxo lacrymis oscula mista dabis;  
Hac rata promisit mihi spes certissima Christus,  
Hac perstant nullo dissoluenda die;  
Quae iam dum meditor, solito claudatur (in ira  
Quod modò nolebam) littera nostra, Vale.*



Raymundo suo Patri Confessario Ca-  
therina Senensis S. Genuam

III.

**I***nsolitis Raymunde modis mirare canentem?  
Desine, sic diuus scribere iussit Amor;  
Solut hic edocuit numerosas ordine leges,  
Hic dedit & Latio verba referre sono;  
Si Christo didici iam prima elementa Magistro,  
Hebraei ut canerem carmina sacra Senis;  
Instruxit si facundo me Diuus Aquinas  
Maternas calamo ducere posse notas,*

*Nostra mouet nunc Victor Amor feliciter ora,  
 Extremâque iubet fundere voce melos;  
 Sic quâ flexivagas Maander circumat undas,  
 Concinit alba sua præscia mortis Aus;*  
*Te tenet Vrbs Genua, varijs agitata procellis.  
 Turmatim secum quas fera bella trahunt;  
 Fortis ubi Christo fretus Cælestia verba  
 Plena tonas, Diuûm numine, plena Deo;*  
*O Decus Italia, flos ô nitidissimus Orbis,  
 Quò fugis, immensas quis populatur opes?  
 Qua Ligures Venetòsque ferox instigat Erynnis?  
 Cogit & Etruscos impia bella sequi?*  
*Perge Pater, munûsque volens feliciter urge,  
 Sique opus est, proprio sanguine dicta proba.  
 Nam Christi fulget libertas candida in auro.  
 Est aurum cruor, hic purpurat, illa nitet,  
 Vim patitur Calum, non mollis ducit ad astra  
 Semita, sed monstrat sanguis ubique viam;  
 Memiseram quòd me tanto non sponsus Amore  
 Dilexit, pignus vellet ut inde meum;*  
*Est in amore cruor, firmata Pignus Amantis:  
 Candidus est, fateor, sed rubicundus Amans;  
 Obuia pro Christo qui non fert pectora morti,  
 Indignus Christi est quem lauet unda reum;  
 Torpuit ante oculos cur stricto dextera ferro?  
 Ah nimis in iugulum saxeâ facta meum,  
 In nimia pietate pijs fuit impia votis:  
 Vota necem dederant, abstulit illa necem;  
 Nam quoties dixi, fundam cum sanguine vitam,  
 Illusit toties spes inimica mihi:  
 Noluit Urbanus strictis me apponere telis,  
 Impia dum cades Tygris ubique sitit.  
 Est Tygris vesana, Lea est furibunda per ense,  
 Qua trucidis Appulia sceptrâ Ioanna gerit.  
 Effera sæpe tamen vidi mansuescere corda,*

Atque

Atque Agnam fieri quæ modò Tygris erat,  
 Mittite me Patres per tela corusca, per ignes,  
 Tela dabunt aditus & dabit ignis iter:  
 Dat Deus eloquium cui vult & flumina fandi.  
 Vicisti decētos sic Catherina Sophos:  
 Virgine vincantur, causa vincuntur ut hostes:  
 Stabit pro castris inſq; piumq; pijs.  
 Quò trahor imprudens, Sponsus non annuit ausis.  
 Cui data sunt cordis libera frana mei:  
 Tu quò ſponſe placet, traheme dulciſſime tecum:  
 Es mihi nam totus Gratia, totus odor,  
 Vbera quin avidis prabe ò caſtiſſima labris,  
 Vbera nam tua ſunt mi meliora mero,  
 Hùc ades ò ſolamen, ades ſpes unica vita,  
 O decus, ò requies, hùc meus ignis ades;  
 Vre ferox incus, quò me violentius vras:  
 Fortius in noſtro Corde triumphat amor,  
 Me malis ſtipate, latus fulcite hyacinthu,  
 Diuino pectus languet amore meum.  
 Fasciculus myrrha meus eſt dilectus, amanter  
 Vbera cui dederint noſtra in amore moras.  
 Quem mea mens periit, tenui Raymunde, nec unquã  
 Dimittam, ille ſalus, ille amor, ille quies;  
 Iam te Chriſte meo poſſedi pectore, & unã  
 Sic fuero, donec vita ſuperſtes erit.  
 Nescit amans ſeruare modum, modus abſit amanti  
 Oscula mille dabis, mille iterata dabo,  
 Me tranſfigat amor, me maceret igne medullis  
 Inq; meis rapidas ventilet uſq; faces,  
 Vni Chriſte tibi mea mens obnoxia ſemper  
 Seruiet, unus eris tu mihi ſemper Amans,  
 Hac anima Raymunde Pater ſunt gaudia noſtra,  
 Membra iacent ſolito non releuanda toro;  
 Cræſtina namq; dies tandem me reddet Amanti,  
 Martyris eſt Petri quæ celebranda dies;

Sat gracili Stygias excepi corpore turbas,  
 Atque catenarum verbera mille tuli;  
 Quot rabidas pestes, quot claudit mōstra Barathrū,  
 In me iam vires exacuere suas:  
 Mouit in intrepidam Stygius dira arma Satelles,  
 Nunc Leo, nunc Tygris, nunc furibundus aper,  
 Exercet rabiem nullo prohibente cruentus,  
 Et mouet arbitrio tela trifulca suo;  
 Is coniurato numerosas agmine secum  
 Conspectui turmas Principis instar agit,  
 Certatimq; meos furialis verberat artus,  
 Verberat & corpus nocte dieq; meum.  
 Dadala non tot habet tellus hoc tempore flores,  
 Saucia vulneribus quot mea membra tument,  
 Iam mihi Cella quies facta est fera regia Ditis,  
 Ut Plutona suam deseruisse rear,  
 Verber ubiq; sonat, fremitus tonat, horror ubique,  
 Quocq; magis sauit, fulminat inde magis.  
 Pergite & unanimes vires effundite vestras,  
 Pergite & hoc meritum sollicitate caput,  
 Quod cupit atq; ardet mea mens, est munus amātis,  
 Est Sponsi munus tot mala ferre mei,  
 Tot mala ferre, mihi nihil est, perferre triumphus  
 Quis dabit in tantis sacula mille malis?  
 Multa tuli, sed plura velim, nam reddor Amanti:  
 Sic similis, Regnum sic tenet ille suum:  
 Morte sua tulit humana medicamina Genti,  
 Adiuuat humanum mors mea fortè genus,  
 Nostra fides nimbis titubat perterrita, Petri  
 Dum temerè sacram verberat vnda ratem.  
 Scissa vides vela & fractos Raymunde rudentes,  
 Quique preest, jam iam turbine fertur aqua;  
 Sanguine iam spumant fluctus quos rixa cruentat:  
 Sanguine Christi adum qua caret ora sacro?  
 Vis rapit in praeceptis disrupto foedere Iustum,



Dilacerat Martis iura sacrata furor:  
 Sponte mea qua non subij discrimina rerum?  
 Mille tulit tellus, mille tulere freta;  
 Te Comitem plerumq; habui Patremq; Ducemq;  
 Bella tamen votis praualuere meis;  
 Ah precibus quoties iratum flectere Amantem  
 Contendi, toties respuit ille preces,  
 Tunc ego firma magis, clamabam, sanguine nostro,  
 Si placet, ô saltem sponse medere malis,  
 Vre, seca longum, non sum rudis, acrius insta,  
 Intrepidum pectus senseris esse meum;  
 Bella cruor meus extinguat, furiata relaxa  
 Agmina, quot Ditis lurida regna vomunt;  
 Quis modus irarum bellandi aut terminus, ah  
 Iam tandem Italiam tarda medela leuet;  
 Parce fatiscenti, letho, aut me dede, furores  
 Ardentes reprimam victima facta tuos.  
 Hoc te per tadas quibus es dignatus Amantem,  
 Pérque tuos clauos munificumq; latus,  
 Pérque oculos oro, mihi dulcia tela, micantes,  
 Qui me vix natam surripuere mihi.  
 Quæ precibus spe firmatis Raymunde negantur?  
 Flectunt iratum vota precésque Deum.  
 Vix ego finieram, iam iam pacatus Amanti  
 Sponsus adest, librum dextera sacra gerit;  
 Fatorum liber ille fuit, sic pratulit index,  
 Atque ait, has hilari lumine curre notas,  
 Iussa lego, & tacitum pertendant gaudia pectus,  
 Atque gena falsis destituuntur aquis.  
 Hic ego cernebam septem post lustra quietem,  
 Dum populum Christi Quinta Columna regit:  
 Illa quies fuerit, non pax firmissima, donec  
 Nicolei cingat Terna Corona caput;  
 Fulget io pax alma, silent terraq; fretumq;  
 Fulget io & Christi regnat ubiq; fides;

*Affer hic lucem Lucensi oriundus ab Vrbe,  
 Restituétque sacras Urbis & Orbis apes:  
 Latitia seges vberior, noua causa Triumphi,  
 En Christi excipiunt Indica Regna fidem,  
 Iaponis ora colit sacrata fœdera legis,  
 Quæq; legit gemmas ora remota, colit,  
 En quoq; vincuntur lunatis agmina peltis,  
 Et stat pro Quinto iusq; piusq; Pio;  
 Hac ubi perlegi, ridenti lumine, Virgo,  
 Sponsus ait, tristi pectora solue metu:  
 Ecce tui cruor effusus, pulcherrima, cordis  
 Mox Italas oras Pontificesq; iuuat.  
 Surge age amica mea, & propera formosa Columba,  
 Lata veni, tandem, seu recessit hyems,  
 Lata veni, multus pingit flos prata, tumescit  
 Iam si, us, floret vinea, lata veni:  
 Surge age, perpetuò sponsum fruitura, perennes  
 Et quas delicias terra beata parit:  
 Crastina lux ambos aeterno fœdere iunget,  
 Nos atate pares, nos & amore pares:  
 Sic ait, & Calum petijt, quò donec abibo  
 Liquor ut ardent nix liquefacta face.  
 Iam tamen ecce vocor, iam me traducit ad astra  
 Sponsus, dum viues, ô mea cura. Vale.*



Augustino Episcopo Hipponensi  
 Hieronymus

S. D.

IV.

**Q**uam legis, ô Patria columen, si littera languet,  
 Desine mirari, languida membra iacent:  
 Ægra manus, mens agra, suos pertusa labores,  
 Scribere conanti munera sueta regant.

Nec


*Nec te quo tenear, rerum doctissime, mirbo,  
 Præterit, est morbus cana senectæ meus;  
 Hieronymi quicquid superest, vocalis imago est.  
 Umbra est Hieronymi quicquid amice, sonat;  
 Iam bis lustra novem gressu titubante propinquant,  
 Ex quo Natalis lux celebrata mei;  
 Est macies corpus, vix ossibus ossa coherent,  
 Turbida præsentī lumina morte natant,  
 Mortem aueo, ut Christo tandem coniūgar Amanti:  
 Grata tamen veniet, cūm volet ille, quies;  
 Dummodo ad astra vocer, serus traducar ad astra.  
 Præmia plura dabit quo magè sera dabit;  
 Me quantum velit extenuet vitiosa Senectus.  
 Tardet & instabiles desidiosa pedes;  
 Et quatiat lassos mihi creber anhelitus artus,  
 Deses ab officijs non tamen ipse vacem,  
 Vita hæc perpetuus labor est, ego miles Iesu:  
 Ah grauer in Solymis multa dolenda pati?  
 Hic tellus, hic saxa suis minitantiæ saxis,  
 Suadent militia signa cruenta sequi:  
 Nam rigidas Christi precioso sanguine cautes  
 Hic latè madidas lumina nostra vident.  
 Dux vitam effudit, sudores miles ubiq;  
 Abneget? ingrato terra dehisce prius;  
 Segniter ardet amans? nomen deponat amantis:  
 Res est ingenij semper agentis amor;  
 Diuus amor pauidas inflammat robore mentes;  
 Languida confirmat pectora Diuus Amor,  
 Hic rapit intrepidas per Martia tela puellas,  
 Hic rapit & pueros, & rapit ille senes;  
 Hic facit ut gelida sint alta palatia rupes,  
 Hoc Æstas friget Vindice, feruet hyems,  
 Huius ego subdo mea colla senilia vinclis,  
 Meq; catenatum, quā cupit ille, trahat;*

Quis demens, terrisq; grauis, Calb' que rebellis  
 Talibus in castris ara merere neget?  
 Fortius ure meum Victor fortissime pectus,  
 Adde faces facibus, vincula vincla grauent.  
 Nam seruire tibi, regnum; Victoria, vinci est,  
 Dum te Victorem nouerit esse suum;  
 Diuitiis me iussit Amor posuisse paternis  
 Hic templum, templo finitimisque lares,  
 Longinquis quò se referens peregrinus ab oris  
 Conferat, & dapibus corpora fessa leuet;  
 Hic tuus exceptus permansit Hora: ius hospes,  
 Hic & Apodemius Sulpitiùsque tui:  
 Felices anima qua te quocunque sequuntur,  
 Æthereumque tuo nectar ab ore bibunt;  
 Est angusta domus, tamen est domus hospita multis.  
 Quos hùc assiduos hac loca sacra trahunt;  
 In paruo tria parua nitent altaria templo,  
 Quæ pinxit minium docta animare manus.  
 Prima tabella refert Infantem viuida Christum,  
 Cui Pueri Reges munera trina ferunt;  
 Altera sanguineo pendentem stipite monstrat:  
 Quis ferus heu lacrymas Christo obeunte neget?  
 Hic adstat gremebunda Cruci castissima Mater  
 Per coaceruatos saxea facta metus;  
 Tertia terribilem sublimi in nube sedentem  
 Ostentat toruum lumine, mente ferum:  
 Agmina densantur populorum, hinc inde frequentes  
 Quos ad iudicium buccina dira vocat;  
 Surgite mortales, clamat sonus ille, sepulta  
 Surgite, & in vestros ossa redite toros;  
 Alme Pater nutum testor qui temperat Orbem,  
 Aures assiduè sauciat illa meas,  
 Obstrepit illa, vagos dum cogit Phosphoros ignes,  
 Obstret it, & sua dum sydera Vesper agit,  
 Si releuo mea membra cibo, senat illa repenti;  
Surgere,

*Surgere, si recubo, me iubet illa, toro,  
Denique quicquid ago, semper circumsonat aures:  
Nunc quoque scribentem me ferit ille sonus.  
Quid iuuat assiduo multum didicisse labore,  
Si suprema tamen fecerit hora reum?  
Ah quoties vano turgescent pectora fastu,  
Ille sapit, solus cui Deus ipse sapit;  
In Solymis si fortè petis quæ gaudia terris  
Percipiam, longum sit retulisse mihi,  
Haud, humana, loqui potis est Cælestia, lingua,  
Quæis secum ipsa tacens mens solet una frui;  
Alta superbifico valeant Capitolia luxu,  
Sit procul hinc Circus, sæua Theatra procul;  
Arua Palestina fuluis potiora metallis,  
Hæc loca sunt votis vberiora meis;  
Hic præsepe colo teneri Natalia Regis:  
Vagijt hinc dico, lacrymulasque dedit;  
In lacrymas vos ite pias mea lumina; terra  
Sacratæ ut lacrymis oscula mista feram:  
Oscula mista feram quot voluit Nilus arenas,  
Oscula Mopsopio melle cupita magis;  
Quid memorem mea cum baculus vestigia firmat?  
Caluarique peto culmina sacra iugi?  
Quot saxa aspicio, proclamo perditus eheu,  
Vos Domini lauit, vos quoque saxa cruor?  
Fortis Amans tulit hæc pondus ferale nocente  
Pro me, dum totus nil nisi plaga fuit?  
Stat leua angustum paruo de marmore Templū,  
Quod Maria σπασμὸν Turba Pelasga vocat.  
Hic lacerum vix agnouit mœstissima Natum,  
Tantus ubique cruor, tantus ubique dolor;  
Parua meos trahit hæc oculos domus Hospitis, ultrò  
Quæ dedit exanguis candida lina Deo.  
Parua dedit, maiora tulit, quid cætera narrem?  
Quæ loca diuini monstrat Amantis Amor?*

*Hic furor hostilis laniavit corpus, & illic  
 Sæua cruentarunt spinea ferta caput.  
 Fame hæc lacrymis perfusa lumina Turba,  
 Non me flete, inquit, vos manet iste dolor,  
 Dixit, & adiutus collem Simeone petiuit,  
 Christus ubi victa morte Trophæa tulit;  
 Huc dum perueni diuino percitus æstro,  
 Liqueor ut aduersis concita Tada notis,  
 Me vernis fulcite rosis, stipate ligustris,  
 Cor heu cornimio languet amore meum:  
 Hoc dilecta loco Patri fuit hostia Christus?  
 Carnificisq; fero est munere functus Amor?  
 Hæcine virgineo spumarunt sanguine saxa?  
 Hæne sacro rupes immaduere mari?  
 Hæne meas lauit noxas sacer Agnus in Ara,  
 Humani Generis factus Amore nocens?  
 Dum mea lingua silet, vos lumina fundite flumen,  
 Fundite, nam lacryma pondera vocis habent,  
 Vestra salus fletur, nimio vos perdit fletu;  
 Hic perijt sæua lux quoq; vestra nece:  
 Plurima sed lacrymas socialiter oscula iungant,  
 Namq; dolor lacrymas, oscula fundit Amor.  
 Quam iuuat hic geminas oculorum amittere luces,  
 Ac triuisse sacro labra superba solo;  
 Quisquis ab hoc tumultu viuum diuillet Amantem,  
 Hostis erit, dulce hic viuere, dulce mori est.  
 Hæc sunt Augustine mea gratissima mentis  
 Gaudia, queis fœlix nocte dieq; fruor;  
 Tempus erat mihi cum vires dabat acrior ætas,  
 Diuersas petij fortis ubiq; vias:  
 Tum celer inuisi Terras Samaritidos Ora,  
 Atque tuas Hermon, Nazaret atque tuas,  
 Tum quascunque suis sacrata volumina fastis  
 Illustrant, celeri iuuat adire pede;  
 Nunc est una mihi Bethlem labor ultimus agro,  
 Bethlem*

*Bethlem delicijs cognita terra meis,  
 Me tenet archaicus languentem lectulus, atque hinc  
 Posse datur cunas cernere Christe tuas;  
 Auguror extremum vita propè tempus adesse,  
 Pendulus hùc illùc corpora funis agit;  
 Quæ dictem crebrâ ve iterem dulcissima voce,  
 Cycnao Syrius corpore factus odor,  
 Qui feret hanc, tibi Sulpitius narrauerit, ille  
 Pectoris est nostri conscius, ille tui,  
 Dulcis Amice Vale, donec dilectus utrunque  
 Perpetuo iungat fœdere Christus Amor.*



Gregorio Nazianzeno Præceptori suo  
 Hieronymus S.

V.


**O**ptatum teneo tandem Pater optime portum,  
 Est Bethlem votis portus & aura meis,  
 Quid cessas? gratare mihi, superauimus Æquor,  
 Vicimus & Siculi monstra timenda maris,  
 Hic mihi quartus abit mensis gratissimus, ex quo  
 Attigit hoc Solyma nostra carina solum,  
 Scripsissem prius, hic certus si nauita funem  
 Soluisset, rectâ littera vestra petens;  
 Concita sed ponti rabies ventiq; furentes,  
 Inuitas portu detinuere rates;  
 Ah quoties dixi pelago fauet aura, repente  
 Dum scribo nautis aura inimica fuit:  
 Hic tamen usque tui memor & securus amoris;  
 Vixi, quem poterit nulla abolere dies;  
 Certa fides firmo iunxit nos fœdere, nostram  
 Vna dies vitam finiet, vna Fidem;  
 Non cadit exiguo quercus vetus impete Lauri,

Nec rupes nimbis exagitata cadit;  
 Sic noster perstabit amor, diuersa locorum  
 Cui plaga nil noceat, nil tacuisse diu:  
 Clauserunt longum iam nostra silentia lustrum,  
 Dum specto fastus Roma superba tuos;  
 Quò me raptarant Epiphani copia fandi,  
 Et Pauline semel non data dextra tibi;  
 Quicquid ibi tulerim, cogar si claudere versu,  
 Quot parit enumerem terra Cilissa crocos?  
 O ego cui vitam imminui, cui sedulus annos  
 Impendi? toties cui data nostra fides?  
 Prodiga terra fui, ferri perpeffa rigorem,  
 Cui bona fertilitas vulnera plura refert;  
 Roma rapit, sana ah quantum mentisque animique;  
 Tybridis in medio Salmacis unda latet;  
 Hic leuis ambitio & mendaci gloria fuco,  
 Illita concordēs sceptrā superba tenent;  
 Quin sine legerant blandis comitata ministris  
 Tuupiter exultans imperiosa Venus:  
 Conatur Damasus stimulis ardentibus actus  
 Vulneribus multam ferre potenter opem:  
 Tristia sed medicam detrectant vulnera dextram,  
 Vulnera iam turpi putrida facta mora;  
 Inuigilat Pastor, potis est nec pellere fures,  
 Nec potis à stabulis pellere voce lupos.  
 Quis non Hieronymum super athera tolleret agrum  
 Si tamen hic vitij pectus habere velit?  
 Cum Fescenninos cœpi reprehendere mores,  
 Acer & in fontes libera verba loqui,  
 Tum reus, & mendax, tum dictus lubricus, atque  
 Permulta Stygij Principis arte vaser;  
 Hinc mihi pro titulis insignibus undique facta  
 Fortiter insidia multiplicisque doli:  
 Sic me deprensoscleratorum agmine certos  
 Agneui nutus mens mea Chryste tuos,



*Vrbis Bethlemiæ subierunt otia menti,*  
*Otia delicias inter habenda meas:*  
*His flammis impulsus, & hoc stimulatus ab æstro,*  
*Roma vale, dixi, subdola Roma vale:*  
*Non ego Cumææ peragam si secula vatis,*  
*Amplius inquiram quas malè fundis opes.*  
*Sic redij optatam Solyma properanter ad Vrbem,*  
*Caluariq; apicem Bethlemiósque lares,*  
*Haud aliter decimi passus conamina fluctus*  
*Tranquillum portum nauita letus amat.*  
*Et belli miles post mille pericula, vita*  
*Quod superest, patrio sub lare tutus agit.*  
*Quò Circus mihi Roma tuus, quò prisca Theatra,*  
*Quo mihi barbaricis omnia plena bonis?*  
*Quid trabeæ fascēsue mihi, aurataque quadrigæ,*  
*Pra Christo sordent, India, Bactra, Tagus.*  
*Hic ego nunc meditor secura mente quod olim*  
*Discipulum docuit lingua disertatum,*  
*Sic sibi sic anima, nunc nosco, viuitur, & sic*  
*Omne malum Cælo quod patiare, leue est.*  
*Hic ego despicio mensas latissimas omnes,*  
*Aut Luculle tuas, aut Epicure tuas,*  
*Phocaico sordent satura mihi murice vestes,*  
*Non mea Oronteo spirat odore coma.*  
*Vera voluptatem est omnem vicisse voluptas,*  
*Hæc manet æternum, diffugit illa breui;*  
*Si mea liuescunt multo contusa flagello,*  
*Aspicio Christi membra cruenta mei,*  
*Torrida sit flammis, nimio vel frigore pellis:*  
*Sudauit Christus, Christus & alsit amans,*  
*Deniq; quicquid ago suprema haud immemor hora,*  
*Ad Christi normam letus Amantis ago:*  
*Herba mihi cibus est, fesso mihi terra cubile;*  
*Sedat & arentem frigida lympha sitim;*  
*Quid Tyrio recubare toro dum fluctuat æstu*

Pectus, & heu mentem plurima pestis habet ?  
 Quàm iuuat huc illuc sacros lustrare recessus,  
 Olim sollicito ques pede Christus obit,  
 Atque dies ibi cum multa consumere nocte :  
 Nox breuis est votis, est breuis orta dies;  
 O quoties sacri puras Iordanis ad undas,  
 Verba mihi raucum littus amata refert;  
 Nam quoties Orci memores clamauiumus, eheu,  
 Eheu, visa mihi ripa benigna queri,  
 Christus Amor, dixi, rapta super athera mente:  
 Vox audita mihi est consona, Christus Amor;  
 Lumina nostra tenent longum loca singula, menti  
 Sed tamen est Bethlem gratior una mea,  
 Hic prae sepe Dei est, vita hinc nostra omnis origo:  
 Hic iaceo, hic meditor nocte dieq; vigil;  
 Hoc amplector amans, huic oscula dulcia figo,  
 Dulcibus huc lacrymis humida ferta fero,  
 Dissolui cupio vt Christo coniungar amanti,  
 Commodus inferijs hic locus vnus erit.  
 Illa igitur cum summa mihi diluxerit hora,  
 Hac sit discipuli cura suprema tui:  
 Hic iaceant ossa exiguo comprehensa sepulcro,  
 Hoc super inscriptum cui breue carmen erit ;  
 Hieronymus deflens sua crimina, mortuus hic est,  
 Natus ubi est, Hominum publica vita, Deus.



### Magdalena Marthæ Sorori

#### VI.

**S**apius amissam quam tu, Soror optima, flesti,  
 Illa tibi scribit, perlege, s'espes adhuc,  
 Ex quo te liqui iam Sol sex lustra peregit,  
 Vt flerem vita facta pudenda mea,  
 Te soror, & Fratrem, ne Christo deserar uno,  
 Deserui, ille meus frater, & ille Soror;


*Audacem facit ipse Deus, Deus odit inertes,  
Ad res difficiles dum vocat, ille praeit,  
Quisquis amat lentè, nomen deponat Amantis:  
Segnitie tantus dedecoratur honor.  
Massiliam effugi, nec non Socia agmina turba,  
Et deuotam commoda mille domus,  
Tutior est portus quàm peruisa marmora ventis,  
Tutius hospitium sic loca sola ferunt.  
Tecta nocent Urbis, prosunt spelaea ferarum,  
Reddidit hac inter me mihi Christus Amans:  
Experta mihi crede, Soror, per inhospita tesqua,  
Ire via ad Calum liberiore datur,  
Huc Diuinus Amor languentem vulnere Christi  
Transtulit, & pavidos iussit abire metus:  
Ille mihi, triginta, ait, hic expleueris annos,  
Ut plores vita tempora prisca tua,  
Hic tibi dulcis erit fletus, nam gaudia Calum  
Miscebit; vix hac cum tulit inde pedem.  
Tum me collegi, & volui, velut excita somno,  
Huc illuc oculos obstupescita meos,  
Undique montanas abrupto tramite rupes,  
Et loca conspicio vix adeunda feris,  
Saxa rigent volucrum tenebrosa cubilia, quorum  
Æmulus est Celo conspiciendus apex,  
Cernitur hic tectum nullum, magalia nulla,  
Et nusquam humani signa relicta pedis,  
Hic rari apparent frutices viridantibus herbis,  
Raraque vulgari cespite terra viret;  
Hirsuti vepres & amantes ardua dumi,  
Creber & in siluam se paliurus agit,  
Lumina quarebant quàm sedem penere possem;  
Luminibus patuit caca cauerna meis:  
Acta Deo, horriferos aditus animosa subiui,  
Et lapis, aspicio, nil nisi nudus erat,  
Dum verso per vasta oculos penetralia saxi,*

Non fugit aspectum frigida lymphæ meum:  
 Pura per abruptas (visu mirabile) rupes  
 Desilit & rauco murmurat vnda pede;  
 Humanum non illud opus, sic credere dignum est;  
 Sed Christi nutu, cuncta mouentis erat :  
 Illi igitur grates, & grata dulcia terra  
 Oscula, & in latebras talia dicta dedi,  
 Exoptata mihi saluæ domus hospita, saluæ  
 Plus oculis tellus semper amanda meis,  
 Ad te peccatrix venio, me suscipe fontem,  
 Sed quam peccati poenituisse potest;  
 Me tuus hic horror vocet ad suspiria semper,  
 Semper & ad lacrymas me tua lymphæ vocet:  
 Pectoris ipsa mei sic sordes eluet vnda,  
 Horrôresque dabunt lucida regna tui;  
 Sic mihi ter decies, Soror, hic effloruit ætas;  
 Têrque mihi decies cana recessit hyems;  
 Si quaris quibus in studiis transegimus annos,  
 Dicere quod possim est, præter amasse, nihil,  
 Vita fuit mea perpetuò dulcissimus ardor,  
 Atque ardor solus Christus amantiis Amans,  
 O gemina cordis rutilantia lumina flammæ,  
 O facies oculis imperiosa meis,  
 Mille mihi vitæ si sint, tibi mille dedissem,  
 Nam quis pro Christo cuncta dedisse neget?  
 Si mea sit tellus, vastum mare, sydera si sint,  
 Ah tua sint subitò, sydera, terra, mare;  
 Quò me raptat amor? tibi seruit maxime rerum,  
 Quicquid habet tellus, quicquid Olympus habet;  
 Si placet ut longo absumar patienter amore,  
 Fiet ut absumar; te patienter amo,  
 Longa dies est nulla mihi quæ reddat amantem,  
 Numquam tarda dies, si modò lata venit;  
 Vror ut ardet ager flagranti messe per æstum;  
 Liquor ut Ætnæa nix resoluta face;

*Dum memini, Soror alma, mea primordia vita,  
Vita fuit misera cùm mihi Christus amans,  
In lacrymas ab eo exundantis fluminis instar,  
Et mihi dulce queri est, & mihi dulce mori.  
Tunc vidi & vixi diuinis ignibus ardens,  
Tunc cecidit flammis Magdala prisca nouis,  
Ignis & obscœnus diuino victus ab igne,  
Deseruit pectus tempus in omne meum,  
Et quam perdidit risus, pretiosa redemit  
Ante sacros Domini lacryma fusa pedes:  
Abluo dum lacrymis plantas, tergoque capillis,  
Tango aram, procul hinc fulmina verte, Pater,  
Est clypeus tua progenies adamantinus agra,  
Quo si defendar, fulmina vana cadent,  
Haud aliter scopulum prudens complexa marinum,  
Cauta minas ponti spernere concha solet.  
Quid mea derides lacrymarum flumina Simoni?  
Cui lacrymor, lacrymas nectaris instar habet;  
Funde alijs veteri carchesia plena Falerno,  
Nil est quod lacrymis dulcius ille bibat;  
Ast cum Caluarî occurrit tristissima Imago,  
Membra rigent Getica frigidiora niue,  
Tum Christi aspicio moribundos lumine vultus,  
Tum sine vel sensu, vel sine mente feror,  
Scinditur heu templi velum, scinduntur ubiq;  
Marmora, Natura iura soluta cadunt.  
Mergitur heu tenebris rutilo dux lucis ab axe,  
Antiquùmque timent impia secla Chaos;  
Totus Amans vulnus cùm sit, grauiera reposcit,  
Fortiter atque ferens plurima, plura sitit:  
Matris & amplexor frigentia membra dolore,  
Cùmque cadente cado, cumq; gemente gemo,  
Impia si pectus cuspis transfigit Amantis,  
Transadige exclamo cuspis iniqua meum,  
Quò Longine furis? sceleratum comprime ferrum,  
Nullus*

Nullus in extincto corpore sensus inest:  
 Sensus abest, Christi at nūquam demortua Virtus,  
 Lumen aues, factō ex vulnere lumen habes;  
 Currite mortales, vestrā patet vnda saluti,  
 Accelerate citos, dum datur hora, pedes.  
 Nec procul hinc Tumulū mœrēs complector Amātis,  
 Attamen in Tumulo est, quo leuer agra, nihil,  
 Forma iterum ludit ficta sub Imagine vultus,  
 Factus ē est clitor, qui mihi Christus adest,  
 Dic ubi, dic clitor, tandem sit corpus Amantis,  
 Ardor inaccessum nil sinet esse meus,  
 Fortis amor meus est, forti nihil obstat amori,  
 Illi dant flamma, dant fera tela locum,  
 Per mare, per terras viol. utāque flumina, curram;  
 Det mare, dent fluij, det mihi terra viam,  
 Nec furor hostilis gressus tardabit amantis,  
 Quam compellit Amor, nil trepidanter agit;  
 Si qua tibi est pietas, ablatum redde, nec agram  
 Intempestiua lentius vire mora,  
 Vel me ne saltem cales qua parte quiescat,  
 Ut clamem, meus est, inijciāque manum:  
 Mox Deus ecce Deus consolaturus amantem;  
 Sed mihi tangendos denegat ille pedes;  
 Cur me Christe rapis, mihi dum te subtrahis ultrò?  
 Et te prensuram cur procul esse iubes?  
 Victor amat laurum, cognoscit Nauita portum,  
 Tu mihi laurus ades, tu mihi portus ades;  
 Ludis an illudis qua te suspirat ademptum?  
 O facies superis iurē fruenda choris;  
 Post mandata meos abiens deludit amores,  
 Tum clamo, sine me, me sine Christe fugi?  
 Sic ego dum recolo transacta tempora vita,  
 Me mihi restituit Christus, ē ille rapit;  
 Fert tellus herbas, per rupem labitur vnda,  
 Herba mihi cibus est, potus ē vnda mihi;

*Non me terret hyems canis hirsuta capillis,  
Non Boreas, rabies non metuenda Noti,  
Seu feruescentes iacendat Sirius agros,  
Seu Pater Autumnus mitia poma ferat,  
Seu Ver pingat humum nitidam fulgentibus herbis,  
Non oculos species attrahit vlla meos:  
Dum teneat mea mens Christum quem deperit unū,  
Cetera vilescunt qualiacunque mihi;  
Tristis hyems mihi Ver placidū nitet auspice Christo,  
Auspice non Christo est Ver mihi Tristis hyems,  
Cui toto ut famuler fortissima pectore, nullis  
Est noster curis impediendus amor;  
Exiguam poscunt si languida membra quietem,  
Appositi que cadunt vix releuanda cibo.  
Hac ego, cum dixi, Caelestes itur ad arces,  
Hac sibi poscit Amans, fortiter illa valent:  
Quid non Diuini vis feruida possit Amoris?  
Qui creat arbitrio cuncta regitque suo?  
Cui semel addictum qui se subiecit amanter  
Ille sui debet iniis habere nihil,  
Hunc colo & huic famulor victricia signa gerenti,  
Victoremque sequor facta rapina meum,  
Et quo me vinculis, quo flammis acrius vrit,  
Sunt magis & flamma & vincula cara magis:  
Hic finis, nam finis adest, Soror optima, vita:  
Me superum tandem Rector ad astra vocat,  
Si celeras vises viuente; tarda, sepulta;  
Tarda veni, ut paruo carmine saxa notes;  
Peccatrix iacet hic Solymis celeberrima terris,  
Quam sua perdiderat culpa, beaut Amor.*



Anastasia Chryfogono  
S. D.

VII.


**T**E saluere iubet Fausta iam Filia, dulcis  
O Pater, ô Votis aura secunda meis,  
Alloquium nobis prohibet gratissima causa,  
Clausum pro Christo carcer utrumque tenet.  
Nec satis est carcer, ferro mea colla premuntur,  
Atque manus manicis compedibûsque pedes;  
Hoc quoque quod scribam vix sustinet ipsa catena,  
Cogit Amor, vinci nescius vnus Amor;  
Iam minuit bis pura suos totidémque repleuit  
Luna orbes, ex quo corpora vincla terunt:  
Nec mihi posse datur vili procumbere terra,  
Est aded angustus carceris iste locus,  
Sic macie turpiq; situ latissima vexor,  
Illuuiésque artus pascit iniqua meos;  
Sic abiit mihi contemptus flos ille Iuuenta,  
Et quæ tingebat purpura rubra genas:  
Tam malè qua potuit diro placuisse Marito,  
Qui mihi molitur nocte dieq; necens;  
Hûc tacito fors hesternæ pede luce recurrit.  
Posset ut in nostris me reperire sacris;  
Repperit, & flexis genibus de more precantem,  
Illum cui soli me placuisse iunat;  
Cen lupus in visam subitò ruit efferus Agnam,  
Quam custeditam mania nulla tenent,  
Improbis aggreditur tollentem lumina ad astra,  
Lumina namq; arcent ferrea vincla manus,  
Hûc illuc rabiosus agit, tundit que feritq;  
Experiens vires in mea damna suas,



Apprendensque comam, laua de fronte reuellit,  
 Et dextra gaudet dissecuisse genas,  
 Undiq; liuor habet corpus, fluit undiq; sanguis,  
 Exanimésque artus plurima plaga facit:  
 Tum cecidi, & sacrum moribundo nomen Iesu  
 Ore voco, Christi Nomen in ore meo est:  
 Pro furor, immunem potui satiasse Tyrannum,  
 In lacero tantus corpore ubique cruor:  
 Impia verberibus quoq; verba adiunxit, & ausus  
 Opprobrijs superum sollicitare Patrem;  
 Et me vesanam tumido vocat ore, Ioui;  
 Inuisum monstrum Tartarémq; caput;  
 Haud me prima latent odij mala semina iniqui,  
 Precipitémque Virum qui furor intus agat;  
 Ex quo non potuit nostrum violare pudorem,  
 Sacratumq; Deo contemnerare decus:  
 Sum rea, sum demens, demens dum dicar Iesu,  
 Quem veneror, quàm sim, stultior esse velim:  
 Praestitit ille mihi robur virésque secundas,  
 In longum ut traherem turpia vota Viri;  
 Nam quoties ausus, toties ego cauta negaui,  
 Inq; nouas causas ingeniosa fui:  
 Intima nunc simulans vri praecordia febre,  
 Apposui Tyrio languida membra toro;  
 Nunc rapidos astus capitis variósque dolores;  
 Sic non membra quies, non iuuat ora cibis:  
 Hac tamen agnouit, cupidum quis fallat Amantem,  
 Aures cui mille, & lumina mille patent?  
 Tum patuit quicquid fictè mens gesserat ultro,  
 Sapius & Christi dissimulatus Amor,  
 Nec mora, Getulis veluti leo Pœnus arenis  
 Sauiat & horrendos rumpit ab ore sonos,  
 Dulcia ni placeant, meritò tibi amara parentur  
 O pestis magno perniciosà Ioni:  
 Sic ait, & nigro claudi me carcere mandat

Mors ubi me serò per mala longa necet;  
 Quòdque mea torquet miserè magis intima mentis,  
 Perditus ille meas depopulatur opes,  
 Queisq; libens Christi iam consolabar egenos,  
 Nequitia socios roborât iste suæ;  
 Certatimque meo bacchatur in are caterua,  
 Meq; inter fatuam pocula plena vocant;  
 Sic bona quæ Christi debebat pauper habere,  
 Cuncta suo arbitrio barbarus hostis habet.  
 Hac mihi perpetuò pectus fera vulnera vexant,  
 Sim mendax quæ si fortè negare velim;  
 His superadde Patris sauissima iurgia, Nata, est  
 Si Pater ille, necem qui parat usque suæ;  
 Hic vultu ferus, & ferro metuendus acuto,  
 Soluere vult vitam, quam dedit ille mihi;  
 Soluerit ille licèt præsentem, haud auferet unquam  
 Quam mea mens vitæ spem melicris habet;  
 Hanc mihi firmavit teneris carissima ab annis,  
 Quæ fruitur superum regna beata Parens;  
 Illa salutifera vix natam perluit unda;  
 O mihi fausta dies, ô celebranda dies,  
 Nomine tunc Trino Vncq; in sua vota vocato  
 Filia te, dixit, mancipat ipse Deus,  
 Et me paulatim docuit crescentibus annis,  
 Vim nullam & nullum robur inesse Ioui,  
 Pallada Mauortemq; & dirum in pralia Phœbum,  
 Iunonem & Venerem numina falsa coli,  
 Quos hominum fecit scelerata licentia Diuos,  
 Vt posset vitijs incubuisse suis;  
 Ast unum esse Deum, è nihilo qui cuncta creauit.  
 Cui paret quicquid Phœbus vterq; videt;  
 Curia Calicolûm ordinibus distincta nouenis  
 Quem timet, & meritis laudibus apta colit:  
 Multaque præterea doctus quæ deinde probasti  
 Certa, & fulgenti lucidiora die.

Illa mihi sapiens pectus mentemq; dederunt  
 Nam mihi mente prius corpus inane fuit,  
 Hac eadem præstant vires ad cæpta secundas,  
 Et Deus in cæptis auxiliatur Amans;  
 Cui mihi dum videor sublimi mente tenaces  
 Amplexus mille atque oscula mille dare,  
 Quicquid perpetior dulce est & amabile, Amanti  
 Præbet amans firmum robur & arma sua.  
 Hic furijs coniux agitate, cibumque torumque  
 Subtrahe, nam cibus est, est Deus ipse Torus,  
 Dummodo & huic placeat, circum mea colla catena  
 Ite mihi, sola hac aurea vincla puto;  
 Vos pretiosa datis vinctum mihi vincula Amantem,  
 Æthereum cuius Nectar ab ore fluit;  
 Candidus atque rubens ille est, quem cana colorem  
 Purpureis referunt Lilia mixta rosis,  
 Est mihi virgineus candor, cruor ipse rubebit,  
 Ut placeam Christo, tela Tyranne moue;  
 Quo dace per rapidos ignes, per tela, per hostes,  
 Inuerit aligeros accelerare pedes,  
 Is prunas facit esse rosas; is victor acutos  
 Contundit gladios, dilaniatque rotas,  
 Ignis si moueat, strictos seu Publius enses,  
 Viuet in igne Deus, viuet in ense Deus;  
 Et prius abscissa caput hoc ceruice recedet,  
 Quàm nostro illius pectore cedat amor,  
 Intus amor Christi regnet, populatque medullas,  
 Ut iaciant hostes irrita tela mei.  
 Tu tamen ô superum Patria gratissimus Heros,  
 Curarum requies consiliūque mihi,  
 Funde preces & vota Deo, qui numine dextro  
 Præstet opem famula præstet & arma sua,  
 Ut referam innumero claros ex hoste Triumphos,  
 Et vincam multos sola puella Viros.  
 Scribere plura libet, sed dextera lassæ catenis,  
 Hic finem statuit; seruet utrumque Deus.



Pius Adolefcens Dominicanam Famili-  
 am ingreffus, Amico fuo. S. D.

V I I I.

**Q**uod petij repeto, carum ut comiteris amantem,  
 Quaque viâ inceffi, fedulus ire pares;  
 Hoc unum tibi nofter amor modò postulat, ut quos  
 Vna fidos iunxit, claudat & una domus,  
 Non rapidum iubeo remis te findere marmor,  
 Non precor Ægeos te superare sinus,  
 Quod cupio iubeoque, humilis tibi vita futura est,  
 Est Deus ipsa salus, est Deus omne bonum,  
 Hic te solus amat, vocat hic te solus aman'em:  
 Cernis ut ex alto stipite multa gemat?  
 Te gemit & queritur rigeas quòd durior are,  
 Surdior & scopulis asperiorque feru;  
 Aspicias ut misero dexter tibi brachia pandat,  
 Brachia qua roseis fluctibus usque madent?  
 Hic mihi precipiens dubitanti scribere, dixit,  
 Scribe, tuis precibus ferreus ille cadet,  
 O utinam nostris tua mens respondeat ausis,  
 Si tibi mens fuerit dextera, victor ero;  
 Sed caue ne de mens aliquo capiaris ab hamo,  
 In te tres hostes fortia tela gerunt,  
 Qui vigilem vincunt Argum, centùmque figuris  
 Protea, nec cedunt magne Acheloë tibi,  
 Diuitia sunt, tela quibus fera praelia tentant,  
 Diuitia Stygij spicula saua Ducis;  
 Callidus est nimium, nimium valet arte nocendi,  
 Mille nouat vultus, corpora mille nouat;  
 Quà tendat prada securus retia vidit,  
 Non prodesse solet, semper obesse solet.

Qualis

*Qualis in optatum cùm venit nauita portum,  
 Scit rabidi vires enumerare maris:  
 Expertus fateor, meritò mihi crede monenti,  
 Thessala sub dulci melle venena latent.  
 Heu vereor, quid enim nos non vereamur amantes?  
 Ne sis fortuna captus amore tua:  
 Hac trepidum me cura premit noctuque diuque:  
 Diuitias aufer, iam meus esse potes;  
 Fallor an has torua percurris fronte tabellas,  
 Despicis & surdus iussa precesq; meas?  
 Crimine quo fieri merui tibi vilior alga?  
 Sit scelus hoc nostrum, semper amasse nimis:  
 Tu mihi Luca aderas solers hortator ubique,  
 Tu mihi praeceptor, tu mihi frater eras;  
 Tangentem portum subitò aspernare sodalem?  
 I nunc, & veri nomen amantis habere:  
 Non dicendus amans sequitur qui lentus amorem,  
 Tu teris ignauas falso in amore moras;  
 Plura tibi scripturus eram, sed scribere plura,  
 Salsa negat vultum qua rigat unda meum,  
 Ast tibi si placeat mandata capeffere amanti,  
 Protinus aufugiens arripe victor iter.*

---

Ascanio Pessio Viro Doctissimo  
 Guido Vanninius S.D.

## I X.

**Q**uam legis à charo tibi venit Epistola Amico,  
 Qui sit, iam pridem cognita Musa docet,  
 Cognita Musa tibi est, Pessi, tu cognitus illi,  
 Nam veluti Patrem te colit ipsa suum.  
 Iam minuit fugitiua quater sua cornua Luna,  
 Expleuit totidem luce repentè noua,  
 Ex quo te strepitus Urbis curasque perosum,  
 Vsq; tuis oculis Villa cupita tenet,  
 Villa tui requies animi, tua sola voluptas,  
 Iam studijs meritò facta superba tuis:

*Funditus ab quoties mersum ciuilibus undis  
 Aspectu potuit te recreasse suo;  
 Ah quoties ubi nulla malis erat apta medela,  
 Illa suo Domino sola medela fuit?  
 Illic pacati uernat clementia Cali,  
 Dum procul aduersi ventus & unda tonant;  
 Quin virgulta nouo pubescunt horrida foetu,  
 Dum grauido Zephyrus rore maritat humum,  
 Quódque tuis equidem noui magis utile uotis,  
 Regnat ibi multo scœnore parata quies;  
 Illa diu quasita fuit tibi, maxime rerum,  
 Sed numquam est oculis obuia facta tuis.  
 Cùm uires mirata tui motúsque calentes  
 Ingenij, fœuit Martia Roma sinu,  
 Tum Virtus tua conspicuo spectata Theatro,  
 Luxit ut à ventis concita flamma solet:  
 Qua non cura fuit menti commissæ fideli?  
 Qua non præclarè cura peracta fuit?  
 Sunt Vaticani testes penetralia collis,  
 Et Capitolini culmina magna iugi,  
 Secla futura canent, meritis non inuida, laudes  
 Quas Pessi peperit plurima Musa tibi:  
 Nam tibi seu placeat violenta Tragœdia, saua  
 Melpomenes longo Syrmate digna tonas:  
 Siue uelis animum cura grauiore leuari,  
 Mille tua miscet voce Thalia iocos,  
 Hac requies præstat dulci qua rure potiris;  
 O requies, uotis mille petita meis:  
 O te felicem fortunatúmque quieto  
 Cui natat in portu nescia cymba metus:  
 Te placidis tua rura tenent gratissima Musis,  
 Me grauibus curis Vrbs agitata tenet;  
 Tu potis in lecto securos carpere somnos,  
 Ac tempestiua membra leuare dape,  
 Plurima cura mihi noctes negat ire quietas,  
 Et se cum dapibus miscet ubiq; meis.*

O pereat quantum potius tegit inuida tellus  
 Auri, quàm vitam sic abyſſe grauem;  
 Quid iuuat heu partis opibus superaddere plures,  
 Si citiùs curis mors properata ruit?  
 Iro pauperior malim traducere ſoles,  
 Vernantes rumpat quàm mihi parca dies;  
 Calliope potiùs mihi det bene viuere paruo,  
 Et colere anguſto tectâ paterna lare,  
 Sobria ſecura ſoluam i iunia menſa,  
 Menſa erit exilis, ſed tamen apta mihi.  
 Hic ego contemnâ ſœlix ignobile vulgus,  
 Quasq; refert Indis extera nauis opes:  
 Tuta quies paucos nouit, nam limina magna  
 Odit, & anguſtas intrat amica fores.  
 Hac video meliora, tamen crudelibus actus  
 Fluctibus huc illuc, deteriora ſequor;  
 Otia non aliter Patria ſuſpirat amata,  
 Vulnera dum miles denſa per arma ſubit:  
 Otia ſic pelago deprenſus Nauita poſcit,  
 Perditus inuito dum bibit ore necem;  
 Ergo potire bonis tibi, quæ dedit inclyta Virtus,  
 Et bonus à ſuperis fauſta precare mihi.

Cæſari Amico ſuo. S.


X.

Quid te flere iubet raptum mihi Cæſar amicum?  
 Te Dominum raptum quis mihi flere iubet?  
 Ite triumphales elegi, procul ite, carina  
 Non natat in pelago flamine veſta ſuo;  
 Vos decet heu laceros humili procedere vultu,  
 Vos incompoſita nunc decet ire coma,  
 Excidimus longum mœſtas iterare querelas;  
 Plena querelarum vita futura mea eſt;  
 Eſte procul riſus, cantus procul eſte iocoſi,  
 Nam procul eſt, riſus qui mihi cauſa fuit.  
 Latitia iam cauſa fuit, nunc cauſa doloris,

Illius haud culpa est; me periſſe, mea est:  
 Huc commiſſorum ſclerum Rhamnusia vindex,  
 Anguibus huc celera concomitata tuis,  
 Huc quoque nocte ſata, Cocytia turba, ſorores,  
 Siſtite, & ingratum ſollicitate caput;  
 Quid rapior demens? quis me mihi ſurripit error?  
 Qua precor ipſe, pati non pateretur amans;  
 Non inimicus adeſt, ſed adeſt mihi Caſar amicus:  
 O utinam ſœlix exitus acta probet:  
 Irrita non capient rapida mea vota procella,  
 Nec vaga Lethæis merſa dabuntur aquis,  
 Illum nam Scythica non lactauere Leana,  
 Fortia nec ferri ſemina vultus habet;  
 Sed mite ingenium facilisq; in pectore ſenſus,  
 Luminaq; æthereis inuidioſa locis;  
 Hic mihi va miſero vexat dolor oſſa, cadensq;ue  
 Inſolito mea mens iſta dolore timet.  
 Neſcio quid timeat, ſed amans timet omnia: amantū  
 Innumeras curas quis numerare queat?  
 Sydera non tot habet Cælum, non littus arenas,  
 Quot curas noſtro in pectore verſat amor,  
 Si tacet ille, ferunt taciturna ſilentia curas;  
 Si ſecum doleat, me premit ille dolor,  
 Tellurem fixo dum luſtrat lumine, noſtrum  
 Haud reor aſpectum lumina poſſe pati;  
 Nigra mea rumpant vita ſiſtamina Parca,  
 Duritiem credam me ſuperaſſe tuam;  
 Et quoniam noſtrum pergis contemnere amorem,  
 Emoriar, facile eſt mortis inire vias.  
 At licet Hyrcanas vincas feritate leanas,  
 Ante meum funus lumina victa dabis;  
 Tum cupies adigi tenebroſi ad tartara Ditis,  
 Tum cupies miſſi fulminis igne peti,  
 Poſt obitum meritò cedunt odia aſpera, & amplas  
 Funeris exequias hoſtis ab hoſte capit;  
 Funere in Annonis lacrymis labentibus, ipſum



*Cornelium fama est ora rigasse sua.  
 Quid vera Antigoni referam pietatis amorem,  
 Dum vidit bustum Pyrrhe superbe tuum?  
 Casareum tu nomen habes, imitare benignos  
 Caesaris & mores, nomina cuius habes:  
 Casarea proprium hoc laudis, bona cetera sortis:  
 Qui se non, victor, vicerit, esse potest?  
 Diuitijs impar sed non in amore secundus  
 Semper ero, iubeas qua facienda mihi:  
 Si satis est nostros animos pressisse precantem,  
 Excipe qui amplexus appetit usque tuos,  
 Sub pedibus satis est hostem prostrasse Leonem;  
 Nobilis haud ultra praterit ira fere.  
 Sint procul hinc lites, procul hinc sint iurgia, sancta  
 In terris pacis mox Deus auctor erit.*




In Die Natali Domini.

XI.

**I***nduit humanos summus Deus, induit artus:  
 Ad stabulum superum candida turba veni:  
 Lata veni, liquidum celebrans per inane choreas,  
 Nulla dies nocte hac clarior esse potest;  
 Nox est, sed niueo meritò signanda lapillo,  
 Nox est, sed tenebras protenus illa fugat.  
 Terrarum quicquid vastus complectitur Orbis,  
 Sollicitos iubeat longius ire metus.  
 Quis metus esse potest, Caelo dum lapsus ab alto,  
 Ipse Deus pacis foedera portat amans?  
 Pignus adest pacis, pacis sunt omnia plena;  
 Bella procul, Bellis non nitet apta dies;  
 Sat furiata trahens centum Discordia rixas,  
 Bellorum toto fouit in Orbe faces,  
 Auferat atra faces, noua fax iam luxit Olympo,  
 Omnes qua terras una beare potest;  
 Diuini fax ipse Deus, fax viuida amoris:*

Cedite mortales, victus amore Deus;  
 Vicit amor: quis enim sacro ferus obstat amori?  
 Gloria sub tanto est occubuisse Duce;  
 Vincere si cupias, cedens vincaris oportet:  
 Cede illi, victus sic tibi victor eris:  
 Qui Superos nutu terret, qui territat Orcum,  
 Perstat, in exiguo maximus Orbe Deus,  
 Perstat & humanas cludes miseratus, acerba  
 Fortune consors incipit esse Virum;  
 Nam iacet in stabulo, Calum cui Patria sedes;  
 Nudus, qui terra condidit Orbis opes:  
 Ad dextram submissa genu nitet inclyta Virgo,  
 Luminaq; in proprio Pignore fixa tenet;  
 Miratur faciem, nitidos miratur ocellos,  
 Qui superant radios Phœbe superbe tuos;  
 Gaudet ob immensum regalis frontis honorem,  
 Qua superum cœtus in sua vota trahit;  
 Sed gaudens mœret, mœrendo gaudet, & infans  
 Sic est latitia causa, doloris hyems;  
 O felix stabulum, felices semper arista,  
 Qua puerum paruo continuere sinu:  
 Tunc ego vos credam solitum posuisse rigorem,  
 Mollius & plumis membra tulisse Dei.  
 Diuitias alius per aperta pericula mortis  
 Quaritet, atque opibus sedulus addat opes;  
 Atria Tanarijs alius digesta columnis  
 Condat, & ingenti construât arte domum,  
 Dum possim me Christe tuis aduoluere cunis,  
 Ha mihi opes fuerint, ha mihi magna domus;  
 Omnia rura mihi vilescant, India quicquid  
 Gemmarum aut auri Lydius amnis habet;  
 Tu solum me Christe potes ditare, palustri  
 Sis licet in stabulo gramineoque toro,  
 Dum te concomiter, populo sim vilior Alga,  
 Dummodo sim tecum, stultus inersque vocer;  
 Me Diuinus Amor diuino vulneret ictu,

*Ille meis plagis plaga salubris erit  
Sic aucto felix potiar meliore, mea que  
Principium vite sic tuus O R T V S erit.*




In obitum Ioannis Baptistæ Cardinalis  
Castrucci R O S A E.

X I I,

**N**Ox erat, & medius noctis se verterat axis,  
Altraque fulgentes Luna regebat equos;  
Nec mea sopierat languentia lumina somnus,  
Cararum domitor somnus, & una quies,  
Luxit ab aurata cum tandem Phosphoros Ida,  
Optatus clausit lumina fessa sopor.  
Ecce meos nitet ante oculos pulcherrimus hortus,  
Cuius vernitidas multiplicabat opes.  
Ars illudebat Natura, Gratia summe  
Arti, Ars Natura sed tamen apta fuit,  
Purpureis hic Flora suis comitata Ministris,  
Texebat nitida plurimaserta coma,  
Hanc iuxta veteres Philomela oblita querelas,  
Fundeat liquido gutture dulce melos;  
Quin Zephyrus placidi Proles castissima Veris,  
Hunc sibi precipua struxerat arte locum;  
Ast horti in medio celeri per gramina lapsu,  
Suaue sonans pura riuulus ibat aquae;  
Riuulus ille olim, magna verum auctus aquarum  
Vi, subito parui fluminis instar erat:  
Hoc medium Rosa verna duplex complexa tenebat,  
Eheu queis spinis mox peritura Rosa;  
Hac gemmantis erant felicia sidera agelli,  
His bene vernabat quicquid habebat humus:  
Proxima cana rosis surgebant lilia semper,  
Obsequium nitidis exhibitura Rosis:  
Nec procul aspexi tendentem vertice ad astra  
PINVM, qua plantis semper amica fuit;

*Quam circum varij foelici è semine flores,  
Certabant grauidos lati aperire sinus:  
Hanc ego mirabar terno cum lumine, terna  
Sidera visa oculis sunt prope adesse meis:  
Agnoui Patruï generosa insignia nostri,  
Quo duce Castalios iunit adire choros,  
Illa rosas vidi circum ludentia Phœben  
Astrorum ut circum candida turba micat,  
Hanc mihi miranti, visa est noua surgere luna,  
Atque horti medium se posuisse super:  
Diues erat lucis, sed quantum Cynthia Soli,  
Tantum cedebat splendida luna rosis;  
Omnia solerti scrutabar lumine, quando  
Phœbo oculos tenuit laurus amica meos;  
Hæc humiles inter frutices vernabat, & ipsas  
Lata videbatur condecorare Rosas;  
Non illo quicquam visum est formosius Horto,  
Tollat ad astra licet Pulcra Arethusa suo s:  
Fortunatus erat plantis foelicibus auctus,  
Stellis fulgescens alter Olympus erat;  
His animaduersis ferali gutture bubo  
Hunc circum Stygios visa dedisse sonos,  
Nil floret mortale diu; sensere volucres  
Lethales gemitus omina dira rose;  
Nam pulcra tinxere sacros ferrugine vultus,  
Vultus qui Luce lux quoque nuper erat:  
Tum Zephyro cedente Notus surrexit, & ingens  
Reddidit heu flumen qui modò riuus, erat.  
Nubibus obduxit faciem noua Cynthia multo  
Crediderimque suas rore notasse genas;  
Sidera quin terna modò fulgescencia luce  
Sanguinea subitò sunt cooperta face:  
Lilia mista rosis nigrum traxere colorem,  
Visæque languidulas deposuisse comas:  
Tum Pinum speciem credam sumpsisse Cupressi,  
Posset ut exequias sic coluisse Rosa,*

*Ramus Apollineus violenti fulminis expers,  
 Occubuit, subito tactus ab igne, solo:  
 Vix ea; cum mœstum lata caput inflectentes  
 Luctibus in medijs occubuere rose.  
 Obstupui, florúmque vicem lugere parabam,  
 Cùm me destituit sana repentè quies.*



## In obitum eiusdem.

## XIII.

**Q***uid iuuat excelsis ades fabricare columnis,  
 Quæ superent fastus barbara Memphi tuos?  
 Auri quid miseris pondus mortalibus, & quid  
 In domibus nemorum frondea sylua iuuat?  
 Aurifero nitidam frontem vincire galero,  
 Et saturas Tyrio murice habere Togas?  
 Heu propior mors atra venit, non passibus æquis  
 Omnia sub proprio tempora iure tenens;  
 Illa Notò citior rapidis velocior Euris  
 Aduolat, & gressus prauidet vsque tuos;  
 Mortuus ecce iacet nostri Castrucci ingens  
 Nominis auxilium, Romulidúmque decus,  
 Heu iacet ille viri vultus generosaq; forma,  
 Quæ rarie semper moribus apta fuit:  
 Illa fuit Patria dum luxit lucifer, at nunc  
 Hesperus est Patria facta repentè sua;  
 Vndiq; plangores resonant, sonat vndiq; fletus,  
 Vna omnes summi causa doloris agit.  
 Flent pueri, Iuuenésque gemunt, mœrétque senatus,  
 Ipsáque Luca parens exanimata iacet.  
 Sic Niobe, si ficta licet componere veris,  
 Diriguit Natis iam viduata suis;  
 Venturos auido voluebat pectore honores,  
 Votaq; sub tacita mente fouebat amans:  
 Illius optabat triplici Diademate frontem*

Cingere, & ad Petri dicere limen, io;  
 Spes abiire, manet funus tibi semper acerbum,  
 Funus honorandum tempus in omne tibi,  
 Hoc omen fecere rosa, qua manè rubescunt,  
 Et subitò tristes nocte cadente cadunt.  
 Hanc portendebas gliscens maris unda ruinam,  
 Unda nimis Domino perniciofa tuo;  
 Nunc ferrugineo vultum rosa velat amictu,  
 Et queritur Domini subsequiturque vicem;  
 Dicite Lucenses lugubria carmina Vates,  
 Iam cecidit vester qui modò Phœbus erat.  
 Nunc impelle tuum Belisari pollice plectrum,  
 Nam res est plectri digna fauore tui,  
 Non rude mœstitia est, didicit lacrymabile carmen  
 Fundere, cùm luxit Nestora Parma suum;  
 Pastoris Siculi sub flauis Auxeris undis  
 Bendinelle aptos emodulare sonos,  
 Tuq; animi pars magna mei Barsotte, dolentes  
 Versibus usque tuis has comitare notas:  
 Solue tuam citharam, & digitis resonantibus, Eheu  
 Responderent cithara candida fila tue;  
 Atq; si fortè placet tibi fidere plectro,  
 Funereos referant plectra sonora modos;  
 Seu patrio malis cultam sermone camœnam  
 Prodere, perpetuò tristè Camœna gemit.  
 Vnum coniunctos fulmen nos perdidit ambos,  
 Diraq; mors miseros perdidit una duos;  
 Mors mihi crudelis, Domini quid strage triumphas?  
 Non moritur Virtus quem pretiosa beat;  
 Cur te vana effers; totum sibi vinxerit Orbem  
 Qui meritis, unquam, non potis ille mori.  
 Sed tamen ecce iacet nobis Castruccijs, eheu,  
 Quod vix crediderim, mortuus ecce iacet;  
 Visa sibi quendam fœlix mea laurus, opimis  
 Ingemit orba suis facta repentè comis;  
 Hæc olim terras a quo plus horruit audax,

*Dum freta auspiciis tendit ad astra tuis:  
 Nam terquinque suos Titan expleuerat Orbes,  
 Ex quo Natalis lux celebrata mei est;  
 Romanus patuit mihi te auditore Senatus,  
 Româq; me Ciuem legit amica suum,  
 Tunc inter Latia foelicia semina Pubis,  
 Quod rarum, adscriptus te auxiliante fui;  
 Me varijs operam studiis, te sospite dantem  
 Hic effata gelu septima vidit hyems.  
 Tum didici ad citharam latos effundere cantus,  
 Sed cithara in luctum versa repentè mea.  
 Nunc ego quid possim? nulli mors ferrea parcit,  
 Vndiq; sed cecis ceca triumphat equis;  
 Interea nostri monumentum & pignus amoris,  
 Hoc carmen Tumuli fronte superstes erit,  
 Clauditur hoc Pario Castrucci Marmore Corpus,  
 Quaq; sibi meruit, Spiritus astra tenet.*

---

In obitum Aeneæ Vizani Bononiensis Phy-  
 fici Præstantissimi.


XIV.

**F***Rena remittantur lacrymis, Vizanus in urna  
 Clauditur, & secum gaudia nostra tulit.  
 Ille salus Patria, sacri Latoidos ingens  
 Et decus & columen, mortuus ecce iacet?  
 Aret & eloquij flumen? pallefcit & oris  
 Maieftas superis inuidiofa locis?  
 Dextera frigefcit nullo defeffa labore?  
 Ah tantum licuit mors inimica tibi?  
 Aspice Phene pater dilecti funera Nati,  
 Aspice, & heu luctus testificare tuos,  
 Vndè adde undas, & vinclatenacia frange:  
 Accola fic lacrymas has probet effe tuas*

Tu quoque formosos laniata Bononia crines,  
 Effer porticibus frigida facta caput:  
 Fumus adest, modò pignus erat, redimita cupressu,  
 Mœsta decent mœstam, tempora vincta gere,  
 Et tenebris adoperta sinus testare dolores,  
 Nam iacet extinctus qui tibi lumen erat.  
 En Deus herbarum cui vasta potentia seruit,  
 Deposuit nitidis laurea ferta comis;  
 Eurysamq; gerit pharetram, citharamque tacentem,  
 Dum deslet Proli tristia fata sua;  
 Arcadicis olim Cynosuris talia passus  
 Fertur, cum lacrymis intumescere gena,  
 Aonides circa tumulum sacra turba sorores,  
 Heu frustra, à teneris quem coluere, vocant;  
 Stemma domus fausta, vitis foecunda racemos  
 Perdidit, & subito turbine fracta iacet;  
 Sic aret quæ vita prius fuit omnibus, ausa  
 Mors deplorandum tempus in omne nefas.  
 Illa tibi Persi rerum doctissime vita  
 Vitis erat, Siculis dulcior una fauis;  
 Perpetuum dabat Autumnum, tibi perpetuum Ver,  
 Nunc tristes hyemes nocte dieq; refert,  
 Solueris in lacrymas raptum dum quaris amicum;  
 Æneam lacryma nec reuocare queunt;  
 Et meritò Æneam Ascanius lacrymatur adeptum,  
 Vinctus amicitia cui Patris instar erat;  
 Ac Damon fuit ille tibi, tibi Castor, ubique  
 Rebus in aduersis Peirithousq; fuit:  
 Idq; adeò populus norat, precedere fœdus  
 Dignus Oresteum vester ut esset amor,  
 Abscidit heu longas non auditura querelas  
 Fœdera, mors nullo deperitura die.  
 Parua quidem Persi sauo hac medicina dolori,  
 Sed desiderio sola relicta tuo;  
 Ut tumulum facias, & paruo carmine signes,  
 Quod perman surum secla futura legant:



*Hic pius Aeneas situs est Vixanus, amicum  
Persius aeternum quem gemet usque suum.*



## In obitum Cardinalis Bonuifij,

### XV.

**B**onuifius fletur, crines redimita cupresso,  
Huc ades ad mœstos Musa rogata sonos,  
Illius en funus quem tu laudare solebas,  
Materia vires exuperante tuas;  
Ergo faue lacrymis, tristes nam lumina saepe  
Ad lacrymas casus erudiere mea,  
Sed non ulla fuit maior mihi causa dolendi;  
Hac una hac alijs praua luisse potest;  
Ille fuit mihi nam teneris hortator ab annis,  
Ille mihi adiutor, Phœbus & ille fuit;  
Ah quoties fesso tendenti per iuga Pindi,  
Ardua perfer, ait: mox meminisse iuuet;  
Nunc iuuat exhausti series immensa laboris,  
At grauitè tecum non obijisse dolet.  
Errat in infido deprensus Nauita ponto,  
Ni doceant dubias sydera certa vias:  
Sic Gentile tuum sydus dum fulsit, iniquos  
Nec timui scopulos, nec vada caca mari:  
Funereus diro rubuit sed crine Cometes,  
Me miserum, terris funera quanta ferens;  
Ex nimium iam Turcarum vicina Tyranno,  
Te desolati Pannonis ora gemit,  
Quæ sensit miseranda sibi tua sidera sausta,  
Et dextre certam pressa ferentis opem,  
Si tibi tunc placidis Ister caput extulit undis,  
Et vexit festas ambitiosus aquas,  
Nunc defranato rapiatur in equora cursu,  
Nam lacrymis nullum debet habere modum;  
Te gemit amissum Vetulonia prisca Parentem,

Maonij quondam Nominis una decus,  
 Atque suos fontes largè indignata relaxans,  
 Sponte sibi exitium noxia facta cupit:  
 Nam mores experta tuos, experta bonorum  
 Humanum quicquid pectus habere potest,  
 Semper & illasi constantia munera Iuris,  
 Quaq; tuo magis est sydere clara, fidem,  
 In Chaos antiquum redituras perdita terras  
 Iurat, ubi Astraam delituisse videt;  
 Quam preit in luctu Appulia miserabilis ora,  
 Auside siue tua est, Cerbale siue tua,  
 Cuius ab amplexu, nulli fugienda, Parentem  
 Abstulit heu subitâ mors truculen'a nece;  
 Quis post hac non deuoueat lethalia Bari  
 Mania, qua superi verberat vnda maris?  
 Quod licet auersum spectarit funera, causam  
 Nescio quo pacto funeris illud habet,  
 Quod potuit nostrum Bonuissum extrema loquentē,  
 Exanimemque suo continuisse sinu.  
 Sed fortasse, trahis quò me dolor improbe, inuit  
 Auspicium cladis sic renouare vetus,  
 Cum Romano humiles maduerunt sanguine Căna,  
 Atque omnis bustis luxuriavit humus:  
 Tum quoque magnanimi potuisti funera Pauli  
 Cernere, quem Morti noxa aliena dedit.  
 Finibus ille tuis cecidit, dum pelleret hostes,  
 Hic te plus aquo, dum tibi viuit, amans:  
 Ergo sibi vixit minimum, ut tibi viueret, vltro  
 Et mortem oppetijt, dum tibi vita foret;  
 Immemor ah nimiùm Bonuise oblite tuorum,  
 Ac Patria, foelix qua tibi Mater erat,  
 Nunc vultum demissa suum, laniata capillos,  
 Turpiter infesto dissecat ungue genas;  
 Atque abit in lacrymas, veluti cùm vere tepente  
 Liquuntur tenera per iuga celsa niues,  
 Et grauidos sauo questus fundente dolore,

*Ad tumulum querula talia voce refert;  
Nate mea vires, mea maxima gloria Nate,  
Quid loquor? heu Mauri nunc leue funus ubi es?  
Qui modo tantus eras, tumulo complecteris arcto,  
Iam factus misera pulvis & umbra mihi?  
Siccine debebas chara rediisse Parenti?  
Siccine te talem cernere digna fuit.  
Cum primum Tyrio te vidi in murice, vidi  
Mœsta tuum funus pernicië mihi meam,  
Quaque tibi reduci latissima dona parabam,  
Ultima sunt tumuli munera facta tibi,  
Quos plausus mihi non finxi? qua gaudia mente,  
Gaudia prapetibus diripienda notis?  
Mox aderit sacro fœlix spectandus in ostro,  
Cui mille amplexus obuia lata dabo,  
Oscula mille dabo fœlicia, qualia Nato  
Fortunata solet sæpe referre Parens;  
Fratribus atque utrumque latus suffulta, gemetum  
Et consanguineo cœncomitata Choro,  
Dulcia verba seram, meritis præclara rependam  
Munera, pro Natis facta beata meis,  
Irrita sed miseram spes est frustrata Parentem,  
Vanus & heu lusit gaudia mentis Amor,  
Nilque aliud mihi posse datur quàm crine soluta  
Tribus iratum Cœlum onerare modis:  
Olim nonne satis fuerat mihi turbine sauo  
Mortem purpuream surripuisse Rosam,  
Ni furiata suo tetro offudisset amictu.  
Sydus magnanima fulgida signa domus?  
Ast inimica tuos ventosos comprime fastus  
Exosum terras sidera sidus amat.*

*Finis libri tertij.*

GVIDONIS VANNINII

I. C. C A R M I N V M

Liber Quartus.

EPIGRAMMATA

In Amphitheatrum Lucense.

I.

**I**NSPICE quisquis ades Luca hac monu-  
menta Vetusta,  
Hoc decus Italia suspice quisquis ades.  
Amphitheatrales hic vidit Etruria pompas,  
Hic cunei, cauea, pegmata, arena fuit:  
Hac oluere croci, cancellos cerne aditusq;  
En per flexuagas Linea secta vias,  
Rumpere liuor edax; semper fuit inclyta L V C A.  
Hoc opus antiquas testificatur opes.

---

De Narsete Eunuchō, Iustiniani Imperatoris  
Maximo Armorū Præfecto, Obsides re-  
mittente, dum Lucam obsidet.

I I.

**A**Rma mouens forti pracingis milite Lucam;  
Despicit illa metus, despicit illa minas.  
Captiua ficta Pubis nece ludis amanter,  
Lusa tamen vires vertit ad arma suas.  
Restituis Natos obsessis, magnus ut illic  
Vis ubi telorum est irrita, vincat amor.  
Vicisti Narses rerum fortissime, solum  
Lucenses potis est vincere solus Amor.

---

In Diem festum sanctissimæ Crucis Lu-  
censibus solemnem.

I I I.

Ipsē Deus, Deus ipse, Crucis de robore pendet,  
Robore,

*Robore, quod summa est pœna reperta reis.  
Quid non possit amor? via nulla est inuia Amanti,  
Morte sua turpem sustulit ille notam.  
Deuenerare Crucem, mortalis & oscula iunge:  
Fecit honoratam mors inhonora Crucem.*

---

In Translationem Virginis S. Vrsulæ sociæ,  
Cuius nomen ignoratur.

I V.

**D***Vm iaculo transfixa cadis pro nomine Christi,  
Nomen in obscuro deseris ipsa tuum:  
Ast quibus in terris, qua tempestate quibusque  
Cum socijs obeas, conscia fama refert:  
Nota cadis, non iurè cadit notissimus, Orbi  
Ignotus, Calo qui benè notus obit.*

---

De S. Sebastiano.

V.

**P***Ro Christo ad palum dum nudus mēbra Sebastus  
Excipit aduerso pectore tela suo,  
Iamque horret crebro iaculorum turbine corpus,  
Calum suspiciens talia dicta dedit,  
Quæ mora Carnifices? telis superaddite tela,  
Vulnera quot facitis, tot mihi ad Astra vias.*

---

In Tyrannum de D. Ioanne Euangelista.

V I.

**O***Barathri monstrum, quas frustra concipis iras?  
Feruenti en Christi gurgite ludit amans:  
Syrus haud aliter terras dum concremat ardor,  
Venator gelidi fluminis intrat aquas.  
Hunc Diuinus Amor flammis melioribus urit  
Intus, at externas tu violente moues:  
Ille animum vicit, tu queris vincere corpus:  
Viuida flamma illa est, mortua flamma tua est.*

Phili ppus

Philippus Rex Hispaniarum II. moriens sic Filium alloquitur.

VII.

**H**aec tibi Nate tui iam iam morientis habeto  
 Dicta Patris, nec non pectore conde tuo,  
 Dicta probet Munus, Christi sit munus Imago.  
 Hoc meus ad superos iam Pater egit iter,  
 Hoc opus est uno, tibi sic furor hosticus ultro  
 Cedat, sic Victor regna superba premas,  
 Seu moueant tadas furia, siue arma rebelles;  
 Viuet ab ense Deus, viuet ab igne fides.

De eiusdem obitu ad Ciuitatem  
 Lucensem.

VIII.

**S**at fletus Regi maestissima Luca dedisti,  
 Luca tuas miserè dilaniata comas,  
 Iacturam lacrymis satis es testata, nitescunt  
 Per te centena fulgida busta face:  
 Sume animos, meritum fortunatissima Regnum  
 Digna & auo Proles & Patre digna regit.

Ad Alexandrum Cardinalem de Monte alto de suis insignibus.

IX.

**M**ons Ternus fortisq; Leo, fidusque coruscum,  
 Sunt tua Alexāder stemmata clara domus,  
 Magnanimum Leo pramonstrat te pectus habere,  
 Quo releuas pressos, vaniloquosque premis,  
 Spes, Amor, atque Fides, crecto morte notantur:  
 Stella viam Celi denotat atque prait,  
 Sortem extra fatumque potes traducere vitam:  
 Astra sauent, Astris dant fera fata locum.

Ad Ioannem Baptistam Castruccium  
Cardinalem, In Christi Na-  
talem diem.

X.

**I**lla dies venit, Luca lux maxima, Princeps,  
Munera qua letus fertque refertque puer:  
Donarem pateras baccatâque dona Pyropis;  
Ast quibus indigeo sunt tibi grata minus.  
Carminibus gaudes, lato cape carmina vul'u,  
Omnia nam donat, qui bene dat quod habet.

De Nerone è turri se præcipitante inspecto  
Amantis cadauere.

XI.

**D**efunctum vita turri dum spectat ab alta  
Perdita Leandri corpus amantis amans;  
Fertur & in præceps, mors ô te vicimus, inquit:  
Nam quos iunxit Amor, tu soluisse nequis.

De nuptiis S. Anastasiæ Virginis.

XII.

**I**mpius ad tadas dum te vult cogere coniunx,  
Optata Victrix morte Trophæa refers:  
Infelix sponsa aeterno fruitura marito,  
Tam malè iuncta viro, quàm benè iuncta Deo.

S. Sympherusa pro fide moritura, suos  
filios alloquitur.

XIII.

**Q**ua Pater ad superos vester perrexit, eundum.  
Progeniem Victor vos vocat inde suam:  
Unanimes ergo moriendo vincite mortem:  
Hic periisse salus, hîc cecidisse decus,  
Sic sic vincendum Proles fortissima, mundo  
Nos abiisse simul, nos obiisse simul.

Mirare

**M**Irare quicquid nostra condit garrula,  
*Fabi Virorum candide,*  
*Camœna, siue prisca facta Patria,*  
*Nullis tacenda seculis,*  
*Animosa celebrat, siue demisso stylo*  
*Nugas canoras cantitat.*  
*Hoc est Amici iudicantis improbè,*  
*Dum sese amore decipi*  
*Permittit; Heroum emulari gloriam,*  
*Infranis est audacia;*  
*Vterque nostrum nouit antiqua decus*  
*Fœlicitatis arduum:*  
*Quam si quis unquam credat assequi, Polos*  
*Prius rotatos comprimat,*  
*Vndasq; ponti angustet exigua manu*  
*Vel vastâ Cali sydera.*  
*Satis superq; consecutus nobilis*  
*Mihi videbor gloria,*  
*Nostros labores esse si fors Patria*  
*Gratos sibi fatebitur.*

Tumulus Iuris Periti celeberrimi.

XV.

**H**ic Iuris lampas iacet, hinc remouete querelas,  
*Et miseras lacrymas, Vir mulierq; procul,*  
*Si vixit Calo, & Patria vixit, sibi numquam,*  
*Tristibus haud vita hæc collacrymanda modis:*  
*Illius querulo condantur funera luctu,*  
*Acta quem vitæ poenituisse potest.*

De Fabula Dianæ & Actæonis.

XVI.

**V**ltrices depone minas, moderare furores;  
*Ira locum menti non sinit esse tue:*  
*Sî Virgo es, Inueni mortem molire? quid ausus*



*Te nudam aspexit, tres docuere Dea.  
In fonti mitis parcas, æstusque sitisque  
Causa fuit, sed non ulla inhonesta Venus.  
Quid facis? Actæon (miserum) sit Ceruus, ubiq;  
Assueuisse feris te facit esse feram.*

In obitum Æncæ Vizani Physici Præstantissimi.

XVII.

**M***ille Viros qui iam viuens, à funere traxit  
Arte Machaonia, mortuus ecce iacet:  
Quam tulerat multis, poterat sibi ferre salutem,  
At sapiens, Calo viuere præstat, ait.  
Mors tacita hac vita est, uiuit cui fama superstes,  
Et decus æternum: desinit ille mori.*

De Diua Catherina Scnenfi Christum amplexa.

XVIII.

**Q***uestum te Christe meis complector in vlnis,  
Me rapiet mihi te qui rapuisse volet,*

Emblema in obitum Cardinalis Bonuifij, (Castor  
& Pollux super nauim in vasto mari ventis  
agitatam lucentes.)

XIX.

**D***vm feruet æstus turbidi ex imo maris,  
Gerunt q; sauo bella venti turbine,  
Nauis pauenti ni gemella sydera  
Fulsere Calo, turbines sauos timet;  
Exue timores Luca quos omnes habes:  
En fixa Calo gemina lucent Sydera,  
Primum, Ioannes; alterum, Bonuifius.*

Aliud

Aliud Emblemata.

Lucifer in Cælo stellis conspicuo.

XX.

**C**onspicis in rutilo splendentia sydera Cælo,  
 Quæis fulgore suo lucifer ipse præit?  
 Lucifer hic manè est, idem sed Vespere Vesper;  
 Sic noctem ducit, ducit & ille diem;  
 Haud secus è Terris vectus Bonuissus, Olympo  
 Lucifer est factus, qui modò Vesper erat.

Christus Cruci affixus loquitur.

XXI.

**O**cubui morti, posses ut viuere, viue  
 Ergo mortalis, me moriente, mihi.

Ad Cassandram Coniugem dulcissimam.

XXII.

**P**rogredior quocunque, tibi sum causa Timoris,  
 Seu mihi longa via est, siue terenda breuis,  
 Et timor utriq; est, nostrum sic semper utriq;  
 Nox & amara venit sic & amara dies:  
 Causa metus diuersa tamen; me Nominis omen  
 Terret Cassandra, te meus angit amor.

De D. Fridiano, Episcopo Lucensi, rastro Æsa-  
 rem flumen vertente.

XXIII.

**D**um tumido cultus Æsar pede vastat agrestes,  
 Inuehit & pisces quàm modò pauid Ouis,  
 Vir sacer inspiciens, inquit, quid concitus audes?  
 Effrano inijciam sortia frana tibi;  
 Sic ait, & rastro iussit parere furentem;  
 Paruit, & facti est indubitata fides.  
 Discite quid possint Patria Cælestis Amantes;  
 Cuncta regunt verbo quos Deus ipse regit.

De Balsamo è corpore D. Nicolai emanante.

XXIV.

**D**VM Patara viuit, Patria nitet Vrbs & Orbis,  
Rarus honos, vita, moribus, eloquio:  
Dum meritur, certòque volans pede sidera calcat,  
Illius è tumulto balsama sacra fluunt:  
Sic meritò vasti viuens & mortuus Orbis,  
Fit Nicolaus honor, fit Nicolaus odor.

De eodem in Cunis Ieiunante.

XXV.

**V**ix puer athereas hausisti luminis auras,  
Vbera cum Christi tactus amore fugis.  
Ergo viam Cali calcas, dum viuere nescis?  
Despectoq; domas membra tenella cibo:  
Si tibi fert vita tantos Aurora nitores,  
Longaue dederit quos tibi clara dies?

Ad Cassandram Coniugem Amantissimam  
In suæ Parentis Obitum.

XXVI.

**S**ic ploras, mea vita, tuam Cassandra Parentem,  
Plorat ut amissum Daulias ales Ityn:  
Nocte tamen silet illa, iteras tu nocte querelas:  
Non cibus ora iuuat, non sopor ossa iuuat,  
Desine perpetuas lacrymas, iam desine luctus:  
Quarere non fas est, quod reperire nefas.

Ad Socrum dulcissimam moribundam.

XXVII.

**E**Rgo peris, grata sçq; negas dulcissima voces?  
Et festinati fulguris instar abis?  
Cerne tuam Natam lugentem, cerne Maritum,  
Dum loquor, heu subita lumina Morte natant.

*Immemor es nostri, Cali non immemor, alta  
 Dum moriens Iesu nomina voce refers,  
 I meritis munita tuis, & freta Tonante,  
 Nam felix, Christo qua benè vixit, obit.*

De D. Paulino primo Episcopo Lucensi, pro  
 Luca, paulo ante Martyrium orante.

## XXVIII.

**I**N iugulum Pauline tuum dum stringitur ensis,  
 Nil est quod Lucâ te magis urbe premat;  
 Illa Deo parta est per te; ut seruetur Olympo,  
 Sedulus effundis plurima vota Deo.  
 Vota tenent; nam Luca fuit si grata Tenanti,  
 Nunc est grata magis quo tua cura magis.

Angelus D. Paulinum alloquitur.

## XXIX.

**A**udyt omnipotens, Heros fortissime, vota  
 Audyt aeternum, iussit & esse rata;  
 Luca tibi dilecta fuit, testatur Amorem  
 En cruor, & mortem concomitatur Amor;  
 Illa tuis centum sacrabit honoribus Aras,  
 Seruet ut in templis tempus in omne decus,  
 Ignibus aeternis sic dum lucebit Olympus,  
 Luceat Auspicijs libera Luca tuis.

FINIS.

